



Y Weinyddiaeth
Gyfiawnder



**Swyddfa
Farnwrol**

Diwygio'r Ardaloedd Cyfiawnder Lleol

**Ymateb i'r Ymgynghoriad ar strwythurau
gweinyddol yr ynadaeth yn y dyfodol**



Government of the United Kingdom

Y Weinyddiaeth Gyfiawnder

Diwygio'r Ardaloedd Cyfiawnder Lleol

Ymateb i'r Ymgynghoriad ar strwythurau gweinyddol yr
ynadaeth yn y dyfodol

Cyflwynwyd i'r Senedd gan yr Arglwydd Ganghellor a'r Ysgrifennydd Gwladol
dros Gyfiawnder Orchymyn Ei Fawrhydi

Mawrth 2026



© **Hawlfraint y Goron 2026**

Mae'r cyhoeddiad hwn wedi'i drwyddedu o dan delerau Trwydded Llywodraeth Agored f3.0, oni nodir yn wahanol. I weld y drwydded hon, ewch i nationalarchives.gov.uk/doc/open-government-licence/version/3

Lle rydym wedi nodi unrhyw wybodaeth hawlfraint trydydd parti, bydd angen i chi gael caniatâd gan y deiliaid hawlfraint perthnasol.

Mae'r cyhoeddiad hwn ar gael yn www.gov.uk/official-documents

Dylid anfon unrhyw ymholiadau ynghylch y cyhoeddiad hwn atom yn ljaconsultation@justice.gov.uk.

ISBN 978-1-5286-6358-8

E03572403

03/26

Argraffwyd ar bapur sy'n cynnwys o leiaf 40% o ffibr wedi'i ailgylchu

Argraffwyd yn y DU gan HH Associates Ltd. ar ran
Rheolydd Swyddfa Llyfrfa Ei Fawrhydi

Cynnwys

Rhagair	3
Cyflwyniad a manylion cyswllt	5
Cwynion neu sylwadau	5
Cefndir	6
Sut y gwnaethom ymgynghori	7
Crynodeb o'r Ymatebion	8
Themâu Cyffredinol	8
Strwythur Amgen ar gyfer Grwpio Llysoedd Ynadon	8
Recriwtio a Phwyllgorau Ymgynghorol	9
Dyrannu	10
Arweinyddiaeth Mainc	10
Pwyllgorau Hyfforddiant, Penodiadau, Awdurdodiadau a Gwerthusiadau (TAAACs)	11
Effeithiau ar Gydraddoldeb a'r Gymraeg	11
Dadansoddiad o Ymatebion i Gwestiynau Unigol	12
Pennod 1: Beth yw Ardaloedd Cyfiawnder Lleol a pham eu bod yn cael eu diddymu?	12
Pennod 2: Strwythur gweinyddol amgen ar gyfer grwpio llysoedd ynadon	13
Pennod 3: Recriwtio a Phwyllgorau Ymgynghorol	16
Pennod 4: Dyrannu	19
Pennod 5: Arweinyddiaeth Mainc	29
Pennod 6: Pwyllgorau Hyfforddiant, Penodiadau, Awdurdodiadau a Gwerthusiadau (TAAACs)	36
Asesiad o Effaith, Cydraddoldeb a'r Gymraeg	46
Asesiad o Effaith	46
Datganiad Cydraddoldeb	49
Y Gymraeg	49

Diwygio'r Ardaloedd Cyfiawnder Lleol
Ymateb i'r Ymgynghoriad ar strwythurau gweinyddol yr ynadaeth yn y dyfodol

Casgliad a'r Camau Nesaf	50
Egwyddorion Ymgynghori	51
Atodiad A: Rhestr o Ymatebwyr	52
Atodiad B: Tablau	54

Rhagair

Rhagair gan y Gweinidog Gwladol dros y Llysoedd a Gwasanaethau Cyfreithiol

Rwyf yn ddiolchgar i'r nifer fawr o ynadon, partneriaid cyfiawnder ac aelodau o'r cyhoedd a ymatebodd i'r ymgynghoriad hwn. Mae lefel uchel yr ymgysylltiad, ynghyd â natur ystyriol ac adeiladol yr adborth, yn adlewyrchu'r rôl hanfodol y mae ein hynadon gwirfoddol yn ei chwarae wrth gyflawni cyfiawnder lleol ledled Cymru a Lloegr. Mae eich ymrwymiad, eich profiad a'ch mewnwelediad yn parhau i fod yn sail i gryfder ein hynadaeth.

Archwiliodd yr ymgynghoriad hwn y ffordd orau o strwythuro'r system ynadon yn dilyn diddymu'r Ardaloedd Cyfiawnder Lleol (LJAs). Er i lawer o atebwyr gefnogi'r egwyddor o symleiddio ffiniau, clywsom bryderon clir ynghylch effaith creu ardaloedd mainc mwy o faint, yn enwedig y risg o deithiau hirach, colli hunaniaeth leol, a heriau o ran recriwtio a chadw ynadon.

Mae eich adborth wedi llywio'r penderfyniadau a nodir yn yr ymateb hwn, ac rydym wedi penderfynu peidio â bwrw ymlaen â'r model arfaethedig o 58 o feinciau. Yn hytrach, byddwn yn cadw'r ffiniau daearyddol presennol ac yn mapio'r meinciau gweinyddol newydd ar sail y 75 o LJAs cyfredol. Rydym wedi gwrandao ar bryderon yr ynadon, ac mae'n hollbwysig bod y strwythur lleol y mae ynadon yn gweithredu oddi mewn iddo yn addas iddynt. Diolch unwaith eto i bawb a gyfrannodd at yr ymgynghoriad hwn, ac sy'n parhau i gyfrannu at y system gyfiawnder bob dydd fel ynadon.

Sarah Sackman CB AS

Y Gweinidog Gwladol dros y Llysoedd a Gwasanaethau Cyfreithiol

Rhagair gan yr Uwch Farnwr Llywyddol

Pan lanswyd yr ymgynghoriad hwn, pwysleisiais bwysigrwydd clywed gan bawb sy'n cyfrannu at gyflawni cyfiawnder ar lefel leol. Yr wyf yn hynod ddiolchgar i'r nifer fawr o ynadon, cynghorwyr cyfreithiol, staff y llysoedd, defnyddwyr proffesiynol y llysoedd a sefydliadau a gymerodd yr amser i ymateb. Mae eich safbwyntiau wedi bod yn ganolog i lunio'r dull a nodir yn yr ymateb hwn i'r ymgynghoriad.

Rydych wedi ein helpu i ddeall yn well nid yn unig y cyfleoedd a gyflwynir gan ddiddymu'r Ardaloedd Cyfiawnder Lleol (LJAs), ond hefyd ystyriaethau ymarferol y mae'n rhaid iddynt gyd-fynd â throsglwyddiad o'r fath. Mae'r ymatebion wedi llywio ein hystyriaeth o faterion hanfodol megis dyrannu adnoddau, arweinyddiaeth a hyfforddiant, a byddant yn cynorthwyo i gefnogi datblygiad parhaus trefniadau clir, cyson ac effeithiol ledled Cymru a Lloegr. Gyda'n gilydd gallwn foderneiddio'r fframwaith y mae ynadon yn eistedd oddi mewn iddo, cryfhau hyblygrwydd ein llysoedd, a helpu i sicrhau y gellir rheoli a gwrando ar achosion yn fwy effeithlon.

Fel y nodais hefyd ar y cychwyn, mae'r gwaith hwn yn cyd-fynd ag adolygiad ar wahân o lywodraethu'r ynadaeth. Mae'r mewnwelediadau a gasglwyd drwy'r ymgynghoriad hwn o berthnasedd uniongyrchol i'r ymarfer hwnnw, a byddant yn fy nghynorthwyo i sicrhau bod y diwygiadau llywodraethu yn adlewyrchu realiti'r modd y mae ynadon yn gweithredu a'r ffordd y gweinyddir cyfiawnder lleol.

Hoffwn fynegi fy niolch diffuant i bawb a ymgysylltodd â'r broses hon. Bu eich cyfraniadau'n amhrisiadwy. Yr wyf yn parhau'n ymrwymedig, ar ran yr Arglwyddes Brif Ustus, i sicrhau bod yr ynadaeth yn cael ei chefnogi'n briodol, yn cael ei harwain yn effeithiol ac mewn sefyllfa gadarn i ddiwallu anghenion y system gyfiawnder yn y blynyddoedd sydd i ddod.

Y Gwir Anrhydeddus yr Arglwydd Ustus Nicholas Green

Uwch Farnwr Llywyddol Cymru a Lloegr

Cyflwyniad a manylion cyswllt

Mae'r ddogfen hon yn adroddiad ôl-ymgyngoriad ar y ddogfen ymgynghori: '*Diwygio Ardaloedd Cyfiawnder Lleol – Ymgynghoriad ar strwythurau gweinyddol yr ynadaeth yn y dyfodol.*' Mae'n cynnwys:

- Y cefndir i'r ymgynghoriad a'r adroddiad hwn, gan gynnwys crynodeb byr o gyfrifoldebau
- Crynodeb o'r ymatebion a dderbyniwyd a'r prif themâu
- Dadansoddiad o'r ymatebion i bob cwestiwn, gan gynnwys crynodebau byr o'r cynigion, themâu sy'n codi'n aml a'n ymateb manwl
- Asesiadau o effaith, gan gynnwys cydraddoldeb a'r iaith Gymraeg
- Y camau nesaf yn dilyn yr ymgynghoriad

Gellir cael copïau pellach o'r adroddiad hwn a'r ddogfen ymgynghori drwy gysylltu â:

Magistrates Policy Team
Post Point 9.20
Ministry of Justice
102 Petty France
Llundain SW1H 9AJ

E-bost: ljaconsultation@justice.gov.uk gan ddefnyddio'r llinell pwnc 'CONSULTATION RESPONSE ENQUIRY – LOCAL JUSTICE AREA REFORMS'

Gellir gwneud cais am fersiynau o'r adroddiad mewn fformat amgen drwy ddefnyddio'r manylion cyswllt uchod.

Mae'r adroddiad hefyd ar gael yn:

<https://www.gov.uk/government/consultations/reform-of-local-justice-areas>

Cwynion neu sylwadau

Os oes gennych unrhyw gwynion neu sylwadau ynghylch y broses ymgynghori, dylech gysylltu â'r Weinyddiaeth Gyfiawnder yn y cyfeiriad uchod.

Cefndir

Mae Ardaloedd Cyfiawnder Lleol (LJAs) yn creu ffiniau daearyddol sy'n ymwneud â phedair prif elfen o weinyddiaeth llysoedd yr ynadon:

- Cychwyn a rhestru achosion;
- Talu a gorfodi cosbau (dirwyon, gorchmynion dedfryd ohiriedig, gorchmynion cymunedol a gorchmynion adsefydlu ieuenctid);
- Recriwtio ynadon; a
- Dyrannu ynadon.

Mae LJAs hefyd yn gysylltiedig â threfniadau arweinyddiaeth a hyfforddiant ynadon. Ar hyn o bryd mae 75 o LJAs, a elwir yn feinciau, ac mae pob un yn cynnwys rhwng un a phump o lysoedd ynadon. Caiff pob ynad ei neilltuo i LJA ar adeg eu penodi.

Bydd LJAs yn cael eu diddymu pan ddaw adran 45 o Ddeddf Adolygu Barnwrol a Llysoedd 2022 i rym. Bydd diddymu LJAs yn gwella'r ffordd y mae llysoedd ynadon yn gweithredu. Mae ffiniau cyfreithiol caeth LJAs wedi creu biwrocratiaeth ddiangen, gan gynnwys oedi wrth weinyddu cosbau a gorchmynion (lle mae gan droseddwyr sawl cosb mewn gwahanol rannau o'r wlad, neu pan fyddant yn newid cyfeiriad) ac anawsterau gweinyddol wrth drosglwyddo achosion ac ynadon rhwng LJAs.

Gan fod y Senedd eisoes wedi deddfu i ddiddymu LJAs, ni ailystyriodd yr ymgynghoriad y penderfyniad hwnnw. Yn hytrach, ei ddiben oedd ceisio barn ar sut y gallai grwpiau gweinyddol newydd weithredu'n ymarferol heb y ffiniau cyfreithiol anhyblyg sy'n gysylltiedig ar hyn o bryd ag LJAs. Felly, canolbwyntiodd yr ymgynghoriad ar y ffordd orau o drefnu swyddogaethau hanfodol—megis recriwtio, dyrannu, arweinyddiaeth a hyfforddiant—o fewn fframwaith mwy hyblyg.

Ymgynghorwyd er mwyn sicrhau bod unrhyw drefniadau gweinyddol newydd yn gymesur, yn ymarferol, ac yn adlewyrchu'r realiti a wynebir gan ynadon ledled Cymru a Lloegr. Nid ein bwriad oedd gosod un model cenedlaethol na rhagnodi trefniadau unffurf. Yn hytrach, y nod oedd profi a allai dull symlach leihau baich gweinyddol tra'n parhau i gefnogi cyflawni cyfiawnder lleol.

Diben yr ymgynghoriad, felly, oedd deall effeithiau lleol, osgoi canlyniadau anfwriadol, a sicrhau bod dyluniad trefniadau'r dyfodol yn cydbwyso hyblygrwydd â'r angen i gynnal atebolrwydd lleol cadarn a chydlyniant meinciau.

Dechreuodd yr ymgynghoriad ffurfiol ar 31 Mawrth a daeth i ben ar 23 Mehefin 2025.

Datblygwyd yr ymgynghoriad ar y cyd â'r Swyddfa Farnwrol a'r Coleg Barnwrol, gan gydnabod cwmpas cyfrifoldebau'r Arglwydd Ganghellor a'r Arglwydd Brif Ustus o ran recriwtio, dyrannu, arweinyddiaeth a hyfforddiant.

Cafodd manylion pellach am y cynigion a'r meysydd cyfrifoldeb eu cynnwys yn yr ymgynghoriad, sydd ar gael yma: <https://www.gov.uk/government/consultations/reform-of-local-justice-areas>

Sut y gwnaethom ymgynghori

Cyhoeddwyd yr ymgynghoriad ar GOV.UK ac ar Citizen Space. Derbyniwyd ymatebion drwy holiadur ar-lein a thrwy e-bost. Parhaodd yr ymgynghoriad am 12 wythnos a dilynodd Egwyddorion Ymgynghori'r Llywodraeth:

<https://www.gov.uk/government/publications/consultation-principles-guidance>

Derbyniwyd cyfanswm o 1,428 o ymatebion i'r ymgynghoriad. Roedd hyn yn cynnwys 138 o ymatebion drwy e-bost ynghyd â 1,290 o ymatebion ar-lein. Dylid nodi nad atebodd pob ymatebydd bob cwestiwn yn yr ymgynghoriad.

Roedd yr ymatebwyr yn cynnwys ynadon (ar draws yr awdurdodaethau troseddol oedolion, ieuencid a theulu), cadeiryddion meinciau, aelodau proffesiynol o'r farnwriaeth, rhanddeiliaid cyfreithiol, Cymdeithas yr Ynadon, Gweithrediaeth Arweinyddiaeth Ynadon (MLE), yn ogystal ag aelodau eraill o'r cyhoedd â budd.

Ystyriwyd pob ymateb yn ofalus er mwyn asesu effaith bosibl pob cynnig a'r lefel o gefnogaeth sydd ei angen fel y nodwyd yn y ddogfen ymgynghori. Daeth yr un themâu i'r amlwg drwy gydol y broses ddadansoddi ac, lle bo'n briodol, mae'r themâu hyn wedi'u grwpio gyda'i gilydd yn yr ymateb hwn i'r ymgynghoriad.

Crynodeb o'r Ymatebion

1. Ceisiodd yr ymgynghoriad ar Ddiwygio Ardaloedd Cyfiawnder Lleol farn ar y strwythurau gweinyddol yng ngoleuni'r pwerau i ddiddymu LJAs, a gyflwynwyd gan Ddeddf Adolygu Barnwrol a Llysoedd 2022. Er mwyn eglurder, bwriad y meinciau gweinyddol arfaethedig oedd bod yn strwythur ymarferol yn unig ar gyfer trefnu recriwtio, dyrannu, neilltuo a hyfforddiant unwaith y byddai'r ffiniau statudol yn dod i ben. Ni fwriadwyd iddynt orfodi arferion unffurf na dull "un maint i bawb"; yn hytrach, eu diben oedd profi a allai symleiddio strwythurau leihau biwrocratiaeth tra'n cynnal hunaniaeth leol. Er ein bod wedi dod i'r casgliad nad oes ateb model cenedlaethol unigol, ac felly na fydd un yn cael ei weithredu, mae sail mewn rhai ardaloedd dros newidiadau lleol, a bydd y rhain yn cael eu datblygu ar lefel leol fel y bo'n briodol. Ni fwriadwyd y cynigion ychwaith i awgrymu disgwyliad o gynnydd mewn amseroedd teithio, ond yn hytrach i ffurfioli'r hyn sydd eisoes yn arfer cyfredol mewn sawl ardal.
2. Derbyniodd yr ymgynghoriad 1,428 o ymatebion gan ynadon ar draws awdurdodaethau, cadeiryddion meinciau, rhanddeiliaid cyfreithiol, Cymdeithas yr Ynadon fel cynrychiolwyr yr ynadon a'r MLE fel corff cynghorol, yn ogystal ag aelodau o'r cyhoedd. Dangosodd yr ymatebion ymgysylltiad eang a mynegwyd safbwyntiau cryf ar draws pob pennod o'r ymgynghoriad.

Themâu Cyfredinol

3. Mynegodd ymatebwyr bryderon cyson y byddai'r cynigion yr ymgynghorwyd arnynt yn gwanhau cyfiawnder lleol, yn cynyddu amseroedd teithio, neu'n effeithio ar recriwtio a chadw ynadon. Thema gref ar draws sawl pennod oedd na fyddai model "un maint i bawb" yn briodol, ac y dylai unrhyw newidiadau adlewyrchu amgylchiadau lleol.

Strwythur Amgen ar gyfer Grwpio Llysoedd Ynadon

4. Cynigiodd yr ymgynghoriad ddisodli 75 o LJAs gyda 58 o feinciau, wedi'u halinio'n fras ag Ardaloedd Cyfiawnder Troseddol (CJAs). Roedd pedair ar hugain o LJAs presennol eisoes yn cyd-fynd â ffiniau CJAs. Er i lawer o ymatebwyr gefnogi'r egwyddor o alinio ag CJAs, roedd pryderon ymarferol yn drech, gan gynnwys y gallai ardaloedd meinciau fynd yn rhy fawr i'w rheoli'n effeithiol, ac y gallai ardaloedd mwy o faint gynyddu'n sylweddol y disgwyliadau teithio ar ynadon gwirfoddol. Mynegodd ymatebwyr hefyd bryder ynghylch colli gwybodaeth leol, hunaniaeth leol a

chydlyniant bugeiliol, a mynegodd llawer bryder am effeithiau negyddol ar recriwtio a chadw.

5. Roedd y gefnogaeth gryfaf lle'r oedd y cynigion yn cadw ffiniau LJAs presennol; roedd y gwrthwynebiad cryfaf mewn ardaloedd a nodwyd ar gyfer uno. Ymhlith yr amgenion a awgrymwyd roedd modelau lleol mwy manwl, dulliau cenedlaethol heb ffiniau, uno ar lefel leol, neu ohirio newidiadau nes y byddai gwelliannau trafnidiaeth yn cael eu gwireddu; fodd bynnag, ni chafodd unrhyw fodel amgen gefnogaeth gonsensws cryf.

Ein Ymateb

6. O ystyried y pryderon a fynegwyd ynghylch ymarferoldeb a derbynioldeb y model ar sail CJAs, ni fyddwn yn bwrw ymlaen â'r strwythur arfaethedig o 58 o feinciau. Yn hytrach, caiff y strwythurau meinciau gweinyddol eu mapio'n uniongyrchol ar sail yr LJAs, gan gadw 75 o ardaloedd meinciau. Mae'r dull hwn yn cydnabod y gefnogaeth fwyafrifol i'r ffiniau daearyddol presennol. Bydd y symudiad o ffiniau statudol i ffiniau gweinyddol yn golygu, pe bai cefnogaeth leol i newid yn y dyfodol—gan i bedair ar bymtheg o ardaloedd fynegi rhywfaint o barodrydd i ystyried newid—y bydd yn bosibl cyflawni a chytuno ar hynny ar lefel leol.

Recriwtio a Phwyllgorau Ymgynghorol

7. Yn gyffredinol, cytunodd ymatebwyr mai newidiadau lleiaf posibl yn unig a fyddai i brosesau recriwtio o ganlyniad i'r cynigion yn yr ymgynghoriad. Fodd bynnag, daeth pryderon anuniongyrchol cryf i'r amlwg ynghylch y posibilrwydd y gallai ardaloedd daearyddol mwy atal darpar ynadon rhag ymgeisio, ac y gallai disgwyliadau teithio gael effaith anghymesur ar unigolion ag anabledau, cyfrifoldebau gofalu, incwm isel, neu fynediad cyfyngedig at drafnidiaeth.
8. Yng Nghymru, mynegwyd pryder y gallai'r diwygiadau effeithio ar gyfleoedd ynadon Cymraeg i ddefnyddio'r Gymraeg yn y llys.
9. Dadleuodd nifer o ymatebwyr, gan gynnwys Cymdeithas yr Ynadon, o blaid diwygiadau cenedlaethol ehangach, gan gynnwys strategaeth recriwtio genedlaethol neu siarter wirfoddolwyr.

Ein Ymateb

10. Fel y nodwyd uchod, rydym yn cynnig cynnal y 75 o ffiniau presennol ar gyfer ein meinciau gweinyddol.

Dyrannu

11. Cafodd y cynigion ynghylch dyrannu—megis neilltuo ynadon i brif lys a chaniatáu rhywfaint o eisteddiadu mewn lleoliadau eraill—eu cefnogi'n eang mewn egwyddor ond eu beirniadu o ran manylion. Canolbwyntiodd gwrthwynebiad cryf ar y terfyn arfaethedig o 90 munud ar gyfer amser teithio, a ystyrid yn ormodol; y disgwyliad arfaethedig o eistedd 60–80% yn y prif lys (a ystyrid gan lawer yn rhy isel); a'r effaith ar ymreolaeth ynadon gwirfoddol a'u cydbwysedd rhwng bywyd a gwaith.

Ein Ymateb

12. Bydd neilltuo i brif lys yn mynd rhagddo, ond gyda mwy o hyblygrwydd a phwyslais cliriach ar resymoldeb. O'r cychwyn cyntaf, nid oedd y cynigion yn rhagweld newid sylweddol i'r arfer presennol: sef bod ynadon yn eistedd y tu allan i'w prif llys yn unig mewn amgylchiadau cyfyngedig, ar sail anghenion busnes a buddiannau cyfiawnder, ac mewn cytundeb â'r ynad unigol (mewn ymgynghoriad â'u harweinwyr mainc). Rydym yn cydnabod bod y cynigion gwreiddiol yn agored i gamddehongli. O dan yr arfer presennol, mewn lleiafrif o achosion mae ynadon yn teithio ymhellach nag arfer i lys heblaw eu prif lys, ac ar hyn o bryd nid oes terfyn penodol ar y pellter y gallai fod gofyn iddynt ei deithio i wneud hynny.
13. Serch hynny, rydym wedi ystyried yr adborth a gafwyd. Efallai y bydd angen rhywfaint o eisteddiadau y tu allan i'r prif lys o hyd er mwyn diwallu anghenion rhestru'r llysoedd, ond bydd ceisiadau—yn ddarostyngedig i gytundeb yr ynad unigol—i eistedd y tu allan i'w brif lys a/neu eu mainc yn gyfyngedig, ac yn gofyn am gytundeb yr ynad unigol a chadeiryddion y fainc. Yn gyffredinol, ni ofynnir i ynadon deithio mwy na 60 munud mewn amgylchiadau o'r fath.
14. Gan y bydd ffiniau'r meinciau yn aros yn ddigyfnewid, dylid lliniaru'r rhan fwyaf o'r pryderon ynghylch teithio.

Arweinyddiaeth Mainc

15. Cytunodd ymatebwyr fod Cadeiryddion Meinciau yn wynebu llwyth gwaith heriol, ond gwrthwynebodd y mwyafrif i rannu rôl y Cadeirydd yn swyddogaethau bugeiliol a busnes ar wahân. Roedd mwyafrif clir o blaid gwneud defnydd gwell o Ddirprwy Gadeiryddion Meinciau, gyda hyblygrwydd ar lefel leol.

Ein Ymateb

16. Ni fyddwn yn rhannu'r rôl arweinyddiaeth, ond byddwn yn annog defnydd gwell o Ddirprwy Gadeiryddion, yn darparu disgrifiadau rôl clir a fframwaith ar gyfer dirprwyo cyfrifoldebau, yn cryfhau cynefino a chymorth ar gyfer rolau arweinyddiaeth, ac yn cadw etholiadau fel y dull o ddewis arweinwyr lleol.

Pwyllgorau Hyfforddiant, Penodiadau, Awdurdodiadau a Gwerthusiadau (TAAACs)

17. Tynnodd y cynnig i leihau nifer y TAAACs o 45 i 14 wrthwynebiad sylweddol, yn bennaf oherwydd pryderon ynghylch colli gwybodaeth leol, maint pwyllgorau a fyddai'n anodd eu rheoli, a llai o gyfleoedd ar gyfer ymgysylltiad ystyrlon. Mynegodd ymatebwyr amheuaeth ynghylch pa mor ymarferol fyddai TAAACs rhanbarthol mawr, a phwysleisiodd yr angen am gyneffindra lleol mewn mentora a gwerthusiadau.

Ein Ymateb

18. Ni fyddwn yn gorfodi gostyngiad i 14 o TAAACs. Yn hytrach, gall rhanbarthau archwilio rhesymoli ar sail wirfoddol lle bo hynny'n briodol yn lleol. Bydd Partneriaid Dysgu'r Coleg Barnwrol yn dod yn aelodau statudol o'r TAAACs, gan adlewyrchu eu rôl ganolog mewn hyfforddiant.

Effeithiau ar Gydraddoldeb a'r Gymraeg

19. Mynegodd ymatebwyr bryder y gallai ardaloedd estynedig a disgwyliadau teithio gael effaith anghymesur ar grwpiau gwarchoddedig. O ganlyniad i'r penderfyniad i gadw'r ffiniau presennol a'r newidiadau sy'n ymwneud ag amseroedd teithio, dylai'r effeithiau hyn gael eu lleihau i'r eithaf. Cyhoeddwyd Asesiad Effaith ar Gydraddoldeb ac Asesiad Effaith llawn ar y Gymraeg ar wahân ochr yn ochr â'r adroddiad hwn. Gan nad ydym yn newid y ffiniau gweinyddol, nid ydym yn rhagweld y bydd effeithiau negyddol. Rydym yn cydnabod bod ymatebwyr wedi mynegi pryderon cryf ynghylch effaith bosibl y cynigion ar ddefnydd y Gymraeg. Er mwyn mynd i'r afael â'r rhain, rydym wedi cynnal a chyhoeddi Asesiad Effaith llawn ar y Gymraeg ochr yn ochr â'r adroddiad ymgynghori hwn, ac rydym yn parhau'n ymrwymedig i sicrhau bod y cynigion terfynol yn adlewyrchu ac yn ymateb yn llawn i'r pryderon hynny.
20. Tynnodd yr ymgynghoriad sylw at bryderon y gallai rhai cynigion arwain at fodel "un maint i bawb" neu gynyddu amseroedd teithio, gyda goblygiadau posibl i grwpiau gwarchoddedig ac ynadon Cymraeg. Nid dyna oedd bwriad y cynigion, ond rydym yn cydnabod yr adborth a gafwyd. Drwy gadw'r ffiniau presennol a pheidio â bwrw ymlaen â'r elfennau teithio, caiff llawer o'r effeithiau posibl ar gydraddoldeb a'r Gymraeg a nodwyd gan ymatebwyr eu hosgoi. Rydym yn parhau'n ymrwymedig i drefniadau cymesur sy'n diogelu hygyrchedd lleol, yn cefnogi amrywiaeth, ac yn cynnal ein rhwymedigaethau statudol mewn perthynas â'r Gymraeg.

Dadansoddiad o Ymatebion i Gwestiynau Unigol

Pennod 1: Beth yw Ardaloedd Cyfiawnder Lleol a pham eu bod yn cael eu diddymu?

21. Nododd Pennod 1 o'r ymgynghoriad y rhesymeg dros ddiddymu Ardaloedd Cyfiawnder Lleol (LJAs). Ni chynhwysai unrhyw gynigion penodol, ond gofynnodd a oedd yr ymgynghoriad wedi nodi'n gywir yr agweddau ar system yr ynadon sy'n debygol o gael eu heffeithio gan ddiddymu LJAs, ac a fyddai unrhyw feysydd eraill yn cael eu heffeithio.

C1: A ydych yn cytuno mai'r agweddau ehangach ar system yr ynadon sy'n debygol o gael eu heffeithio gan ddiddymu LJAs yw: recriwtio; dyrannu; arweinyddiaeth; a hyfforddiant? Os ydych o'r farn y bydd meysydd eraill yn cael eu heffeithio, rhestrwch y rhain.

22. O ran yr ymatebion amlddewis, ymatebodd 1,088 "Ydw", 136 "Nac ydw", a 62 "Ddim yn gwybod". Fel canran o'r holl 1,428 o ymatebion a dderbyniwyd, mae hyn yn cyfateb i 76% "Ydw", 10% "Nac ydw", a 4% "Ddim yn gwybod", gyda 142 o ymatebion naill ai heb eu hateb (8%) neu heb eu pennu (2%). Darparwyd sylwadau testun rhydd gan 600 o ymatebwyr.
23. Amlygodd y sylwadau testun rhydd ystod o bryderon ehangach ynghylch ffactorau a allai gael eu heffeithio gan y cynigion. Cododd ymatebwyr effaith bosibl ar recriwtio a chadw, morâl ynadon a diwylliant meinciau, ac egwyddor cyfiawnder lleol. Nododd nifer fechan o ymatebwyr hefyd oblygiadau posibl ar gyfer defnyddio'r Gymraeg mewn rhai llysoedd yng Nghymru.

Ein Ymateb (C1)

24. Rydym yn cydnabod y canlyniadau ychwanegol i'r diwygiadau a godwyd gan ymatebwyr i gwestiwn 1, ac rydym wedi eu hystyried wrth ddatblygu ein ymateb.

Pennod 2: Strwythur gweinyddol amgen ar gyfer grwpio llysoedd ynadon

25. Cynigiodd Pennod 2 o'r ymgynghoriad ddisodli'r 75 o Ardaloedd Cyfiawnder Lleol (LJAs) presennol â system newydd o 58 o "feinciau". Byddai'r meinciau hyn yn cael eu diffinio at ddibenion gweinyddol yn unig, yn wahanol i LJAs sydd wedi'u diffinio gan ddeddfwriaeth. Cynigiwyd y term "meinciau" i ddisgrifio'r system newydd gan ei fod yn derm cyfarwydd i ynadon.
26. Cynigiodd yr ymgynghoriad y byddai'r meinciau hyn yn alinio'n fras ag Ardaloedd Cyfiawnder Troseddol, ac eithrio mewn achosion lle byddai'r CJAs yn rhy fawr. Yn yr achosion hynny, defnyddid ffiniau'r LJAs presennol. Gan fod 24 o LJAs yr un fath ag CJAs, ni fyddai newid i'r ffiniau yn yr achosion hynny. Yn y rhan fwyaf o achosion eraill lle cynigiwyd defnyddio CJAs, byddai hyn yn golygu uno dau neu ragor o grwpiau llysoedd LJA.
27. Rôl y meinciau fyddai creu ardal ddaearyddol at ddibenion gweinyddu arweinyddiaeth a dyrannu. Nid yw'r swyddogaethau hyn yn cyflwyno unrhyw gyfrifoldebau newydd.

C2: A ydych yn cytuno y dylid grwpio llysoedd ynadon yn feinciau a fyddai naill ai'n: cydfynd ag Ardaloedd Cyfiawnder Troseddol (CJAs); neu'n defnyddio ffiniau'r Ardaloedd Cyfiawnder Lleol (LJAs) presennol, lle mae'r LJA yn rhy fawr i weithredu fel un fainc?

28. O ran yr ymatebion amlddewis, ymatebodd 654 "Ydw", 484 "Nac ydw" a 145 "Ddim yn gwybod". Fel canran o'r 1,428 o ymatebion a dderbyniwyd, mae hyn yn cyfateb i 46% "Ydw", 34% "Nac ydw" a 10% "Ddim yn gwybod", gyda 145 o ymatebion naill ai heb eu hateb (9%) neu heb eu pennu (1%). Darparwyd sylwadau testun rhydd gan 780 o ymatebwyr.
29. Cynigiwyd defnyddio CJAs fel man cychwyn gan eu bod eisoes yn darparu ôl-troed gweinyddol sefydledig a rennir gan sawl partner cyfiawnder, gan gynnig sail ymarferol ar gyfer grwpio llysoedd lle bo'n briodol.
30. Er i lawer o ymatebwyr gytuno â'r egwyddor o ddefnyddio CJAs i grwpio llysoedd ynadon yn feinciau, daeth thema gref i'r amlwg yn y sylwadau testun rhydd (a ailadroddwyd drwy gydol yr ymateb i'r ymgynghoriad) sef y byddai'r meinciau arfaethedig yn rhy fawr. Yn benodol, roedd ymatebwyr yn pryderu y byddai'r ardaloedd estynedig yn arwain at gynnydd mewn amseroedd teithio, colli cyfiawnder lleol drwy wanhau gwybodaeth leol, ac na fyddai cynnydd ym maint y meinciau yn ymarferol o safbwynt gweinyddol.

Diwygio'r Ardaloedd Cyfiawnder Lleol

Ymateb i'r Ymgynghoriad ar strwythurau gweinyddol yr ynadaeth yn y dyfodol

“Byddai unrhyw uno LJAs i ffurfio CJAs newydd, mwy o faint, o bosibl yn gosod gofynion teithio uwch ar ynadon sy'n eistedd ac, felly, gallai leihau'r nifer y gallwn eu cadw.” – Ynad Heddwch (LJA heb ei nodi)

31. Er i rai ymatebion gefnogi'r egwyddor o alinio llysoedd ynadon yn fras ag CJAs, amodwyd y gefnogaeth honno gan ddweud y dylid teilwra'r dull o gytuno ar ffiniau meinciau i amgylchiadau LJAs unigol.

C3: A ydych yn cytuno â'r 58 o feinciau arfaethedig a nodir yn Atodiad B?

32. O ran yr ymatebion amlddewis, ymatebodd 377 “Ydw”, 624 “Nac ydw” a 278 “Ddim yn gwybod”. Fel canran o'r 1,428 o ymatebion a dderbyniwyd, mae hyn yn cyfateb i 26% “Ydw”, 44% “Nac ydw” a 20% “Ddim yn gwybod”, gyda 149 o ymatebion naill ai heb eu hateb (10%) neu heb eu pennu (1%). Darparwyd sylwadau testun rhydd gan 924 o ymatebwyr.
33. Roedd y gefnogaeth gryfaf i'r meinciau arfaethedig lle'r oedd y ffiniau'n cyd-fynd ag LJAs presennol (24 o feinciau). Nododd ymatebwyr yn yr ardaloedd hyn yn aml y byddai “ychydig iawn neu ddim newid”, er i lawer gymhwyso eu cefnogaeth drwy nodi na allent wneud sylwadau ar drefniadau mewn mannau eraill.
34. Roedd y gwrthwynebiad cryfaf lle cynigiwyd uno, yn enwedig lle byddai'r fainc newydd yn cwmpasu ardaloedd daearyddol mawr neu ardaloedd a ystyrid yn rhai â chysylltiadau trafndiaeth gwael. Ymhlith y prif bryderon roedd: maint y fainc yn gwneud gweinyddu a chynllunio rota yn anodd ei reoli; amseroedd teithio hirach i ynadon; gwanhau gwybodaeth leol; tanseilio cyfiawnder lleol; ac effaith ar hunaniaeth gymunedol a bugeiliol.
35. Thema ailadroddus oedd na fyddai model “un maint i bawb” yn gweithio; gallai cynnig sy'n addas i un ardal fod yn amhriodol i ardal arall. Pwysleisiodd llawer y dylai unrhyw uno lleol fynd rhagddo dim ond gyda ymgysylltiad a chefnogaeth leol—safbwynt a adleisiwyd gan Weithrediaeth Arweinyddiaeth yr Ynadaeth a Chymdeithas yr Ynadon.
36. Cynigiodd rhai ymatebwyr fodlau amgen, gan gynnwys strwythurau mwy manwl; systemau cenedlaethol heb ffiniau; uno pellach penodol i ardaloedd (gyda safbwyntiau cymysg yn Swydd Derby); gohirio uno nes gwella cysylltiadau trafndiaeth; a defnyddio llwyth achosion neu is-strwythurau i lywio dyrannu. Fodd bynnag, ni chafodd unrhyw ddull amgen gefnogaeth gonsensws cryf.

“Dylai Caerdydd aros yn fainc ar wahân neu ffurfio mainc lai, fwy hylaw gyda'r ardaloedd cyfagos uniongyrchol... Byddai hyn yn lleihau amser teithio, yn

Diwygio'r Ardaloedd Cyfiawnder Lleol

Ymateb i'r Ymgynghoriad ar strwythurau gweinyddol yr ynadaeth yn y dyfodol

cefnogi cyfiawnder lleol, ac yn cynnal parhad..."

– Ynad Heddwch (LJA heb ei nodi)

"Byddai mainc Gorllewin Mercia a fyddai'n cynnwys y meinciau presennol yn Swydd Gaerwrangon a Swydd Henffordd yn hylaw. Ond byddai un a fyddai'n cynnwys Swydd Amwythig hefyd yn anymarferol."

– Ynad Heddwch Swydd Gaerwrangon

"Byddwn yn cynnig y gellid cyfuno Swydd Gaer a Glannau Mersi, sy'n adlewyrchu'r realiti bod nifer fawr o'r ynadon hyn eisoes yn gweithio'n gyfnewidiol rhwng y ddwy ardal, yn enwedig yn y maes teulu."

– Ynad Heddwch (LJA heb ei nodi)

C4: A ydych yn credu y byddai unrhyw un o'r cynigion a nodir yn y papur hwn yn effeithio ar systemau'r llysoedd teulu neu ieuencid mewn ffyrdd heblaw'r rhai a nodwyd?

37. O ran yr ymatebion amlddewis, ymatebodd 405 "Ydw", 201 "Nac ydw" a 635 "Ddim yn gwybod". Fel canran o'r 1,428 o ymatebion a dderbyniwyd, mae hyn yn cyfateb i 28% "Ydw", 14% "Nac ydw" a 45% "Ddim yn gwybod", gyda 186 o ymatebion naill ai heb eu hateb (12%) neu heb eu pennu (1%). Darparwyd sylwadau testun rhydd gan 678 o ymatebwyr.
38. Nododd llawer o ymatebwyr nad oedd ganddynt brofiad o lysoedd ieuencid na theulu, a chyfeiriasant at hyn fel rheswm dros ansicrwydd neu anallu i ateb y cwestiwn.
39. Rhannodd y rhai â phrofiad o lysoedd teulu neu ieuencid bryderon tebyg i ynadon nad ydynt yn arbenigwyr. Unwaith eto, mynegwyd amheuan gan ymatebwyr yr effeithiwyd ar eu LJA eu hunain neu lle cynigiwyd uno.
40. Roedd themâu ailadroddus yn cynnwys effaith ardaloedd meinciau mwy ar amseroedd teithio; gwanhau gwybodaeth leol gan arwain at effaith ar gyfiawnder lleol—ac ystyrid hyn yn arbennig o berthnasol i achosion cymhleth a adolygir mewn llysoedd teulu ac ieuencid; a'r posibilrwydd o darfu ar berthnasoedd gwaith sefydledig.
41. Nodwyd hefyd nifer o faterion penodol i lysoedd ieuencid a theulu: Mynegodd rhai ymatebwyr â phrofiad yn y meysydd hyn bryder ynghylch sut y gallai amseroedd teithio estynedig a maint meinciau mwy effeithio ar ddefnyddwyr llys sy'n arbennig o agored i niwed, gan gynnwys plant sy'n debygol o ddibynnu ar oedolion ar gyfer trafndiaeth ac felly â symudedd cyfyngedig. Cododd eraill y risg o lai o barhad mewn achosion cymhleth; y posibilrwydd y gallai strwythurau amlasiantaethol lleol (e.e.

CAFCASS, Timau Troseddwyr Ifanc) beidio â chyd-fynd â meinciau mwy; ac anhawster ffitio patrymau eisteddiadau teulu/ieuenctid i fodel dyrannu “cartref ac i ffwrdd”.

“Mae achosion teulu ac ieuenctid yn dibynnu ar wybodaeth leol gadarn a chysylltiad agos â gwasanaethau lleol—gallai maint meinciau mwy danseilio hyn.” – Ynad Heddwch (Teulu/ Ieuenctid)

42. Nododd lleiafrif y gallai hyblygrwydd helpu rhai llysoedd â llwyth gwaith uchel a lleihau'r risg y byddai prosesau llys ieuenctid yn cael eu hynysu, ond nid hwn oedd y farn drechaf.

Ein Ymateb (C2–C4)

43. Rydym yn cydnabod y gefnogaeth eang i'r egwyddor o alinio meinciau ag CJAs, ac rydym yn ddiolchgar i ymatebwyr am yr adborth ystyriol a ddarparwyd.
44. Rydym yn cydnabod y pryderon sylweddol a godwyd ynghylch goblygiadau ymarferol uno ffiniau neu greu ardaloedd meinciau mwy o faint. Er bod ein cynigion gwreiddiol yn ceisio cymhwyso model gweinyddol cymesur ac ymarferol, rydym yn deall bod y posibilrwydd o gyfuno ardaloedd presennol wedi arwain at bryderon ynghylch teithio, hunaniaeth leol a'r gallu i reoli.
45. Dengys tystiolaeth yr ymgynghoriad fod y rhan fwyaf o ymatebwyr yn fodlon ar ffiniau LJAs presennol. Yn y nifer lai o ardaloedd lle roedd ymatebwyr yn agored i newid, pwysleisiwyd nad yw un model yn addas i bob rhan o'r wlad ac y dylid osgoi dull “un maint i bawb”. Pwysleisiodd llawer hefyd bwysigrwydd ymgysylltu â meinciau lleol cyn gwneud unrhyw newidiadau. Rydym yn gwerthfawrogi'r adborth hwn, ac mewn ymateb rydym yn cynnig cadw'r ffiniau daearyddol presennol a mapio'r strwythur Meinciau newydd yn uniongyrchol ar sail yr LJAs presennol, gan arwain at gyfanswm o 75 o Feinciau.
46. Nodwn hefyd fod rhywfaint o barodrwydd mewn 19 o ardaloedd i adolygu ffiniau yn y dyfodol, ar yr amod bod unrhyw ystyriaeth o newid yn cael ei chynnal ar y cyd ac â chefnogaeth leol glir. Gyda ffiniau gweinyddol yn eu lle, gellir archwilio a chytuno ar unrhyw addasiadau yn y dyfodol yn lleol drwy strwythurau llywodraethu lleol lle mae angen a chefnogaeth glir, heb fod angen ailstrwythuro cenedlaethol pellach.

Pennod 3: Recriwtio a Phwyllgorau Ymgynghorol

47. Awgrymodd Pennod 3 o'r ymgynghoriad mai newidiadau lleiaf posibl fyddai i recriwtio, gan y byddai ynadon yn parhau i ymgeisio am swyddi gwag yn eu hardal

Diwygio'r Ardaloedd Cyfiawnder Lleol

Ymateb i'r Ymgynghoriad ar strwythurau gweinyddol yr ynadaeth yn y dyfodol

leol neu eu mainc, yn cael eu penodi'n genedlaethol ond yn cael eu neilltuo i'r fainc y gwnaethant ymgeisio iddi, ac o fewn hynny i "brif lys".

48. Ni chynigiwyd unrhyw newidiadau i swyddogaeth y 23 o Bwyllgorau Ymgynghorol recriwtio (ACs) na'r trefniant llysoedd y maent yn eu goruchwyllo ar hyn o bryd. Bydd ynadon ieuencid yn parhau i gael eu penodi gan y Pwyllgorau Hyfforddiant, Penodiadau, Awdurdodiadau a Gwerthusiadau (TAAACs) yn dilyn hyfforddiant pellach. Bydd ynadon teulu yn parhau i ymgeisio am y rôl hon drwy broses recriwtio ar wahân neu'n ynadon troseddol a benodir gan y TAAACs yn dilyn hyfforddiant pellach.

C5

i: A ydych yn cytuno mai dim ond newidiadau bychain fyddai eu hangen i broses recriwtio'r ynadon o ganlyniad i ddiddymu LJAs, lle byddai swyddi gwag a neilltuadau yn cael eu trefnu gan fainc yn hytrach nag LJA?

49. O ran yr ymatebion amlddewis, ymatebodd 594 "Ydw", 402 "Nac ydw" a 277 "Ddim yn gwybod". Fel canran o'r 1,428 o ymatebion a dderbyniwyd, mae hyn yn cyfateb i 42% "Ydw", 28% "Nac ydw" a 19% "Ddim yn gwybod", gyda 10% heb eu hateb a 1% (154 o ymatebion) heb eu pennu. Darparwyd sylwadau testun rhydd gan 954 o ymatebwyr i o leiaf un o C5(i) neu C5(ii).

ii: A ydych yn credu bod effeithiau pellach tebygol ar y system recriwtio nad ydym wedi'u hystyried?

50. O ran yr ymatebion amlddewis, ymatebodd 675 "Ydw", 192 "Nac ydw" a 378 "Ddim yn gwybod". Fel canran o'r 1,428 o ymatebion a dderbyniwyd, mae hyn yn cyfateb i 47% "Ydw", 14% "Nac ydw" a 27% "Ddim yn gwybod", gyda 11% heb eu hateb a 1% (182 o ymatebion) heb eu pennu. Darparwyd sylwadau testun rhydd gan 954 o ymatebwyr i o leiaf un o C5(i) neu C5(ii).
51. Cytunodd y mwyafrif o ymatebwyr na fyddai'r prosesau recriwtio eu hunain yn newid yn uniongyrchol o ganlyniad i'r cynigion. Fodd bynnag, teimlai llawer y gallai'r diwygiadau effeithio'n anuniongyrchol ar y gallu i recriwtio ynadon newydd—yn enwedig oherwydd y gallai ardaloedd Meinciau mwy wneud y rôl yn llai deniadol oherwydd amseroedd teithio hirach, llai o leoliaeth (sy'n gymhelliant allweddol i ymgeiswyr), neu oherwydd y gallai ymgeiswyr gael eu hatal gan y cynnig i godio arferion dyrannu presennol (fel y cynigiwyd ym Mhennod 3 o'r ymgynghoriad).

Diwygio'r Ardaloedd Cyfiawnder Lleol

Ymateb i'r Ymgynghoriad ar strwythurau gweinyddol yr ynadaeth yn y dyfodol

“Bydd gennym argyfwng recriwtio os bydd ynadon yn canfod yn sydyn bod yn rhaid iddynt symud i lysoedd pell. Mae'r ynadaeth yn ymwneud â chyfiawnder lleol – gadewch i ni ei gadw felly.” – Ynad Heddwch Swydd Rydychen

52. Cododd ymatebwyr bryderon hefyd ynghylch effeithiau negyddol ar gydraddoldeb, gan nodi y gallai cynnydd mewn teithio neu newidiadau i ddyrannu fod yn rhwystr i ynadon neu ymgeiswyr â nodweddion gwarchoddedig. Amlygwyd effeithiau posibl ar unigolion ag anableddau corfforol neu broblemau symudedd, pobl â chyfrifoldebau gofalu, a grwpiau oedran gwahanol—er enghraifft, ynadon hŷn a allai gael trafferth gyda theithiau hirach, ac ynadon iau sy'n cydbwysu'r rôl â chyflogaeth neu ymrwymadau eraill. Yn ogystal â nodweddion gwarchoddedig, teimlai ymatebwyr y gallai'r cynigion effeithio ar bobl o gefndiroedd economaidd-gymdeithasol is (megis y rhai heb fynediad at gar ac yn ddiabyddol ar drafnidiaeth gyhoeddus) a'r rhai sy'n byw mewn ardaloedd gwledig.
53. Yng Nghymru, mynegodd ymatebwyr bryderon cryf a dwys ynghylch effaith bosibl y cynigion ar ynadon Cymraeg, yn enwedig mewn ardaloedd â chrynodiad uwch o siaradwyr Cymraeg. Pwysleisiasant pe bai'n ofynnol i ynadon Cymraeg deithio ymhellach neu eistedd mewn lleoliadau amgen, y gallai hynny leihau eu cyfleoedd i ddefnyddio'r Gymraeg yn y llys. Byddai hyn yn effeithio ar allu ynadon i eistedd mewn achosion lle defnyddir y Gymraeg ac ar y gallu i ddarparu ynadon Cymraeg ar gyfer defnyddwyr llys sy'n mynnu bod yr achos yn cael ei gynnal yn Gymraeg—hawl statudol i holl ddefnyddwyr llysoedd yng Nghymru.
54. Cododd nifer o ymatebwyr bryderon difrifol hefyd nad oedd asesiad o effaith bosibl ar y Gymraeg wedi'i gyhoeddi ochr yn ochr â'r ymgynghoriad. Rydym yn cymryd y pryderon hyn o ddifrif. Mae'r Weinyddiaeth Gyfiawnder yn gwbl ymrwymedig i asesu effaith unrhyw gynigion terfynol ar y Gymraeg yn unol â'i rhwymedigaethau o dan Ddeddf yr Iaith Gymraeg 1993 a Chynllun Iaith Gymraeg 2018 y Weinyddiaeth Gyfiawnder. Yn unol â hynny, mae Asesiad Effaith llawn ar y Gymraeg wedi'i gwblhau a'i gyhoeddi ochr yn ochr â'r ymateb hwn, ac mae ar gael yma: <https://www.gov.uk/government/consultations/reform-of-local-justice-areas>
55. Cyhoeddwyd datganiad cydraddoldeb ochr yn ochr â'r ymgynghoriad, ac rydym wedi cyhoeddi asesiad effaith ar gydraddoldeb ochr yn ochr â'r ymateb hwn.
56. Teimlai rhai ymatebwyr hefyd y gallai meinciau mwy wneud recriwtio'n fwy amhersonol, gan effeithio ar gynefino lleol a chynyddu'r pwysau ar ynadon ac aelodau lleyg sy'n ymwneud â recriwtio oherwydd nifer bosibl yr ymgeiswyr.
57. Fodd bynnag, cydnabu nifer o ymatebwyr y gallai trefniadau eisteddiadau mwy hyblyg annog ceisiadau neu helpu i lenwi swyddi gwag, yn enwedig ar gyfer y rhai sy'n byw ger ffiniau LJAs neu gylchoedd presennol.

Diwygio'r Ardaloedd Cyfiawnder Lleol

Ymateb i'r Ymgynghoriad ar strwythurau gweinyddol yr ynadaeth yn y dyfodol

58. Awgrymodd llawer o ymatebwyr hefyd fod angen diwygiadau ehangach i'r broses recriwtio. Er nad oedd hyn o fewn cwmpas yr ymgynghoriad, teimlent y dylid ystyried y materion hyn fel rhan o ddiwygiadau ehangach i'r ynadaeth.

“Nid yw'r cynnig hwn yn mynd i'r afael ag ystyriaethau ehangach ac mae'n gyfle a gollwyd i ystyried beth ddylid ei wneud yn genedlaethol i gryfhau a datblygu recriwtio.”— Ynad Heddwch Caerdydd

59. Un awgrym—gan Gymdeithas yr Ynadon ac a gefnogwyd gan rai ymatebwyr—oedd cyflwyno “Siarter Wirfoddolwyr yr Ynadon” i nodi disgwyliadau'r rôl ar gyfer ymgeiswyr. Galwodd y Gymdeithas hefyd am strategaeth recriwtio a chadw genedlaethol, wedi'i chefnogi gan fodelu cadarn, hirdymor o'r nifer o ynadon sydd eu hangen ar lefel llys, gan bwysleisio'r egwyddor “dylunio'n genedlaethol, gweithredu'n lleol”. Er nad oedd hyn o fewn cwmpas yr ymgynghoriad, mynegodd nifer fechan o ymatebwyr gefnogaeth i'r cynnig hwn.

Ein Ymateb (C5)

60. Roedd consensws na fyddai'r prosesau recriwtio eu hunain yn cael eu heffeithio'n uniongyrchol gan y cynigion. Er nad oedd bwriad yr ymgynghoriad i gyflwyno cynnydd mewn amseroedd teithio, rydym yn cydnabod yr adborth clir y gallai ein gallu i recriwtio'n llwyddiannus gael ei effeithio pe bai ymgeiswyr yn wynebu amseroedd teithio hirach i'r llys.
61. Rydym yn cymryd o ddifrif y pryderon a godwyd ynghylch effeithiau posibl ardaloedd meinciau mwy ar ynadon â nodweddion gwarchoddedig, ar y rhai o gefndiroedd economaidd-gymdeithasol is, ac ar hawliau statudol siaradwyr Cymraeg.
62. Fel y nodwyd ym Mhennod 2, rydym wedi penderfynu peidio â bwrw ymlaen â meinciau mwy o faint.

Pennod 4: Dyrannu

63. Amlinellodd Pennod 4 o'r ymgynghoriad y trefniadau presennol ar gyfer dyrannu ynadon i Ardaloedd Cyfiawnder Lleol (LJAs) a chynigiodd rai newidiadau i'r broses. Bwriad y cynigion oedd adlewyrchu'r arfer presennol yn agos, tra'n ddigon hyblyg i gefnogi anghenion y llys ac anghenion yr ynadon.
64. Roedd y cynigion yn seiliedig ar y rhagdybiaeth y byddai ffiniau LJAs yn newid, fel yr amlinellwyd yn gynharach yn y papur ymgynghori. Gan nad yw hyn bellach yn wir, mae rhai o'r cynigion bellach yn ddiangen. Trafodir hyn yn fanylach isod.
65. Ymdriniwyd â chwe phwnc eang mewn perthynas â dyrannu:
- Neilltuo ynadon i “brif lys” (Cwestiynau 6, 12, 13, 14)

- b. Eistedd y tu allan i brif lys neu fainc (Cwestiynau 7, 9)
- c. Disgwyliadau teithio (Cwestiwn 8)
- d. Dyrannu ynadon teulu (Cwestiynau 10, 11a, 11b, 12)
- e. Dyrannu ynadon ieuenctid (Cwestiwn 13)
- f. Effaith ar nodweddion gwarchoddedig (Cwestiwn 15)

66. **Nodyn:** Gofynnodd y rhan fwyaf o gwestiynau ym Mhennod 4 am sawl agwedd, felly nid yw o reidrwydd yn glir at ba agwedd yr oedd ymatebwyr yn cyfeirio wrth nodi "Ydw" neu "Nac ydw" (er enghraifft, Cwestiwn 6: "A ydych yn cytuno y dylid neilltuo ynadon i 'brif lys', lle disgwylir iddynt dreulio rhwng 60% ac 80% o'u heisteddiadau?"—gallai ymatebwyr gytuno mewn egwyddor â neilltuo i brif lys ond wrthod y ganran). Dylid felly darllen yr ystadegau "Ydw/Nac ydw" a adroddir isod ochr yn ochr â'r crynodeb o'r ymatebion testun rhydd ar gyfer pob cwestiwn.

C6: A ydych yn cytuno y dylid neilltuo ynadon i "brif lys", lle disgwylir iddynt dreulio rhwng 60% ac 80% o'u heisteddiadau yno?

67. O ran yr ymatebion amlddewis, ymatebodd 476 "Ydw", 774 "Nac ydw", a 46 "Ddim yn gwybod". Fel canran o'r 1,428 o ymatebion a dderbyniwyd i'r Ymgynghoriad yn gyffredinol, mae hyn yn cyfateb i 33% "Ydw", 54% "Nac ydw", a 3% "Ddim yn gwybod", gyda 7% (100 o ymatebion) heb eu hateb a 2% (32 o ymatebion) heb eu pennu. Darparwyd sylwadau testun rhydd gan 1,001 o ymatebwyr.
68. Roedd y prif themâu a ddaeth i'r amlwg yn y sylwadau testun rhydd yn ymwneud â'r gymhareb arfaethedig (60–80% o eisteddiadau yn y prif lys a 20–40% mewn manau eraill) a'r ffafriaeth dros gael dewis unigol ynghylch pryd a ble y mae ynadon yn eistedd.
69. Cytunodd llawer o ynadon—gan gynnwys y rhai a ymatebodd "Ydw" a "Nac ydw" i'r elfen amlddewis—â'r syniad o brif lys mewn egwyddor ond anghytunasant â'r rhaniad canrannol arfaethedig. Awgrymodd rhai y dylai'r ganran fod yn agosach at 75–80%, roedd eraill yn ffafrio 100% yn eu prif lys, ac roedd nifer fechan o'r farn na ddylai fod canran sefydlog o gwbl.

Ein Ymateb (C6)

70. Byddwn yn bwrw ymlaen â'r cynnig i neilltuo ynadon i brif lys lle y byddant yn treulio'r mwyafrif o'u heisteddiadau. Ceir manteision o ran rhagweladwyedd a chysondeb mewn eisteddiadau, hyrwyddo diwylliant tîm a rhyngweithio cymheiriaid ymhlith ynadon, a chynnal cyflawni cyfiawnder lleol.
71. Rydym yn cydnabod pryderon ymatebwyr fod y posibilrwydd o eistedd hyd at 40% o'r amser i ffwrdd o'r prif lys yn ymddangos yn rhy uchel. Mae eistedd ar draws llysoedd

Diwygio'r Ardaloedd Cyfiawnder Lleol

Ymateb i'r Ymgynghoriad ar strwythurau gweinyddol yr ynadaeth yn y dyfodol

yn parhau'n angenrheidiol i sicrhau dyraniad adnoddau effeithlon er mwyn diwallu anghenion rhestru'r llysoedd, a gall hefyd ddarparu cyfle datblygiadol i ynadon drwy eistedd ar wahanol fathau o achosion. Felly, gall ynadon yn rhesymol ddisgwyl y gofynnir iddynt dreulio cyfran lai o'u hamser yn eistedd i ffwrdd o'u prif lys, yn gyffredinol yn unol â'r arfer presennol. Mae'n anodd pennu ffigur union ar gyfer y dyfodol, gan y bydd hyn yn amrywio yn ôl anghenion lleol, ond ein nod yw sicrhau consensws rhwng cadeirydd y fainc a'r ynad unigol pan ofynnir i ynadon a fyddent yn cytuno i dreulio rhywfaint o amser y tu allan i'w prif lys. Gall ynadon ddisgwyl i ofynion addasiadau rhesymol gael eu hystyried yn briodol.

C7: A ydych yn cytuno â'r disgwyliad y byddai ynadon yn treulio gweddill eu heisteddiadau y tu allan i'w prif lys, mewn mannau eraill o fewn eu mainc? Os nad ydych yn cytuno, esboniwch pam.

72. O ran yr ymatebion amlddewis, ymatebodd 403 "Ydw", 826 "Nac ydw", a 53 "Ddim yn gwybod". Fel canran o'r 1,428 o ymatebion a dderbyniwyd i'r Ymgynghoriad yn gyffredinol, mae hyn yn cyfateb i 28% "Ydw", 58% "Nac ydw", a 4% "Ddim yn gwybod", gyda 8% (120 o ymatebion) heb eu hateb a 2% (26 o ymatebion) heb eu pennu. Darparwyd sylwadau testun rhydd gan 994 o ymatebwyr.
73. Fel y nodwyd uchod, roedd llawer o ynadon o'r farn fod cyfran yr eisteddiadau y disgwyliad iddynt dreulio y tu allan i'w prif lys yn rhy uchel. Ymhlith y pryderon a godwyd oedd effaith amseroedd teithio hirach, tynnu'r dewis oddi wrth ynadon (gan bwysleisio gan lawer eu bod yn wirfoddolwyr), a'r effaith andwyol bosibl ar recriwtio a chadw ynadon.

Ein Ymateb (C7)

74. Ymdrinnir â'r pryderon ynghylch cyfran yr eisteddiadau i'w treulio y tu allan i'r prif lys yn ein ymateb i C6 uchod.
75. Gan na fydd ffiniau'r meinciau yn newid, ni fydd meinciau unigol yn cwmpasu ardal ddaearyddol fwy na'r LJAs presennol. Ar y sail honno, bydd pellteroedd teithio ynadon yn aros yr un fath.

C8: A ydych yn cytuno y dylid ond disgwyl i ynadon eistedd mewn llysoedd sydd o fewn amser teithio rhesymol o'u cyfeiriad cartref neu waith, wedi'i ddiffinio fel dim mwy na 90 munud bob ffordd?

76. O ran yr ymatebion amlddewis, ymatebodd 301 "Ydw", 973 "Nac ydw", a 32 "Ddim yn gwybod". Fel canran o'r 1,428 o ymatebion a dderbyniwyd i'r Ymgynghoriad yn

Diwygio'r Ardaloedd Cyfiawnder Lleol

Ymateb i'r Ymgynghoriad ar strwythurau gweinyddol yr ynadaeth yn y dyfodol

gyffredinol, mae hyn yn cyfateb i 21% "Ydw", 68% "Nac ydw", a 2% "Ddim yn gwybod", gyda 7% (94 o ymatebion) heb eu hateb a 2% (28 o ymatebion) heb eu pennu. Darparwyd sylwadau testun rhydd gan 1,177 o ymatebwyr.

77. Mynegodd y mwyafrif o ymatebwyr, ni waeth a atebasant "Ydw" neu "Nac ydw" i'r elfen amlddewis, wrthwynebiad clir a chryf i'r terfyn arfaethedig o 90 munud ar gyfer amser teithio rhesymol. Dadleuodd llawer ei bod yn afresymol disgwyl i ynadon gwirfoddol deithio cyhyd. Roedd y pryderon yn cynnwys risg blinder teithio ar ynadon; y posibilrwydd y gallai tywydd gwael neu gymhlethdodau ar y daith ymestyn amser teithio ymhellach; ad-dalu costau teithio; ac amrywiadau daearyddol o ran rhwyddineb teithio.
78. Tynnodd rhai ymatebwyr sylw at effeithiau andwyol posibl ar amrywiaeth a chynhwysiant, yn enwedig ar ynadon hŷn a'r rhai â chyfrifoldebau gofal plant neu ofalu eraill. Gallai hyn, yn ei dro, effeithio ar recriwtio a chadw ynadon.
79. Ychydig o sylwadau testun rhydd cadarnhaol a gafwyd; roedd y rhain yn tueddu i bwysleisio manteision eistedd mewn ardaloedd neu lysoedd eraill fel cyfle i ehangu gwybodaeth a phrofiad unigol. Fodd bynnag, hyd yn oed mewn sylwadau cadarnhaol o'r fath, mynegwyd gwrthwynebiad i'r terfyn arfaethedig o 90 munud. Awgrym cyffredin amgen oedd terfyn o 60 munud, gyda chynigion eraill o 30–45 munud neu 75 munud.

Ein Ymateb (C8)

80. Rydym yn cydnabod y gwrthwynebiad cryf i'r terfyn arfaethedig o 90 munud ar gyfer amser teithio ac yn deall bod hyn wedi achosi rhywfaint o bryder, gyda'r canfyddiad y byddai disgwyl i ynadon i deithio yn rheolaidd am gyfnod mor hir i gyrraedd y llys. Rydym yn deall na fyddai lefel o deithio o'r fath yn rheolaidd yn cael ei hystyried yn rhesymol ac y byddai ganddi effeithiau andwyol penodol ar y rhai ag anabledau, a'r rhai â chyfrifoldebau gofal plant neu ofalu eraill.
81. Gall fod yn ddefnyddiol nodi'r cefndir i'r cynnig hwn. Bwriad y terfyn arfaethedig o 90 munud oedd cyflwyno uchafswm i amseroedd teithio disgwylidig ynadon, ar y sail nad oes terfyn ar hyn o bryd ac mae'r canllawiau presennol yn nodi y disgwylir i ynadon eistedd unrhyw le o fewn eu LJA, a allai, mewn theori, gynnwys y llys pellaf yn eu hardal. Pe bai ffiniau meinciau wedi newid, byddai mwy o ynadon yn byw neu'n gweithio dros 90 munud o'r llys pellaf yn eu hardal, ac nid oeddem am i ynadon deimlo y disgwylid iddynt deithio mor bell i fynychu eisteddiad.
82. Fodd bynnag, rydym yn cydnabod bod y cynigion wedi creu'r argraff yn anfwriadol bod 90 munud yn cael ei hystyried yn amser teithio rhesymol i ynadon yn rheolaidd—ac rydym am roi sicrwydd nad oedd bwriad erioed i hyn fod yn ddisgwyliad arferol ar ynadon.

Diwygio'r Ardaloedd Cyfiawnder Lleol

Ymateb i'r Ymgynghoriad ar strwythurau gweinyddol yr ynadaeth yn y dyfodol

83. Gan na fydd ffiniau'r meinciau yn newid, bydd maint yr ardal ddaearyddol yn aros yr un fath ac ni fydd ynadon yn gorfod teithio ymhellach nag y maent ar hyn o bryd i fynychu llysoedd o fewn eu hardaloedd.
84. Lle mae ynadon wedi cytuno i eistedd y tu allan i'w prif lys, ni ddisgwylir iddynt yn y rhan fwyaf o achosion deithio mwy na 60 munud i wneud hynny, er na allwn, wrth gwrs, gyfrif am effaith amodau teithio andwyol neu oedi mewn trafndiaeth gyhoeddus. Gall fod achlysuron lle gofynnir i ynadon deithio i lysoedd pellach os oes angen penodol neu frys, ond rhaid cytuno ar achosion o'r fath rhwng yr ynad unigol a chadeirydd ei fainc, ac ni fydd unrhyw rwymedigaeth ar ynad unigol i ymgymryd â'r teithio hwnnw.

C9: A ydych yn cytuno y dylai ynadon gael yr opsiwn o dreulio lleiafrif o'u heisteddiadau y tu allan i'w mainc neu eu cylchdaith barnwrol, lle: a) bod angen lleol; b) bod yr ynad yn dewis hyn; ac c) nad yw'r teithiau yn fwy na 90 munud bob ffordd?

85. O ran yr ymatebion amlddewis, ymatebodd 975 "Ydw", 267 "Nac ydw", a 57 "Ddim yn gwybod". Fel canran o'r 1,428 o ymatebion a dderbyniwyd i'r Ymgynghoriad yn gyffredinol, mae hyn yn cyfateb i 68% "Ydw", 19% "Nac ydw", a 4% "Ddim yn gwybod", gyda 8% (114 o ymatebion) heb eu hateb a 1% (15 o ymatebion) heb eu pennu. Darparwyd sylwadau testun rhydd gan 991 o ymatebwyr.
86. Nododd llawer o ymatebwyr y byddent yn fodlon eistedd y tu allan i'w mainc ar yr amod nad oedd yr amser neu'r pellter teithio yn ormodol, a'u bod yn cadw dewis unigol wrth wneud hynny. Daeth thema dewis unigol i'r amlwg hefyd ymhlith y rhai a ymatebodd "Nac ydw". Awgrymodd llawer o ynadon y dylai eistedd y tu allan i'r fainc fod yn ddarostyngedig i angen busnes gwirioneddol.

Ein Ymateb (C9)

87. Gall galluogi ynadon i eistedd y tu allan i'w mainc neu eu cylchdaith helpu i ddiwallu anghenion y llys, tra'n darparu cyfle i ynadon eistedd ar wahanol fathau o achosion. Felly, rhoddir yr opsiwn i ynadon eistedd y tu allan i'w mainc neu eu cylchdaith ar gyfer lleiafrif o'u heisteddiadau, fel y cynigiwyd. Bydd hyn bron bob amser, neu'n bennaf, yn cael ei ysgogi gan angen busnes, ond ni fydd yn orfodol, a bydd eisteddiad o'r fath yn cael ei gytuno rhwng yr ynad unigol a chadeirydd ei fainc.
88. Nodwn y pryderon ynghylch y terfyn uchaf o 90 munud ar gyfer teithio, sy'n adlewyrchu'r ymatebion i C8 uchod. Rydym yn cydnabod nad yw hyn yn cael ei ystyried yn rhesymol ac felly byddem yn disgwyl na fydd teithiau i eistedd mewn llysoedd y tu allan i'r fainc neu'r cylchdaith fel arfer yn fwy na 60 munud, a byddai angen cytuno ar unrhyw eithriadau rhwng yr ynad unigol a chadeirydd ei fainc. Ni

Diwygio'r Ardaloedd Cyfiawnder Lleol

Ymateb i'r Ymgynghoriad ar strwythurau gweinyddol yr ynadaeth yn y dyfodol

ddylai ynad ddewis teithio pellteroedd mawr ar gyfer mwyafrif ei eisteddiadau; dylai eistedd yn ei ardal leol, yn unol ag egwyddor cyfiawnder lleol.

C10: A ydych yn cytuno y dylid neilltuo ynadon teulu i fainc ar adeg eu penodi, gyda dyrannu achosion yn cael ei drefnu gan Ardal Panel Teulu (APT)?

89. O ran yr ymatebion amlddewis, ymatebodd 430 "Ydw", 68 "Nac ydw", a 707 "Ddim yn gwybod". Fel canran o'r 1,428 o ymatebion a dderbyniwyd i'r Ymgynghoriad yn gyffredinol, mae hyn yn cyfateb i 30% "Ydw", 5% "Nac ydw", a 50% "Ddim yn gwybod", gyda 14% (195 o ymatebion) heb eu hateb a 2% (28 o ymatebion) heb eu pennu. Ymhlith y 498 o ymatebwyr a fynegodd safbwynt, roedd 86% yn gefnogol i'r cynnig. Darparwyd sylwadau testun rhydd gan 269 o ymatebwyr.
90. Mae'n debygol bod Cwestiynau 10 i 12 wedi cael cyfran uwch o ymatebion "Ddim yn gwybod" a diffyg ymateb o gymharu â chwestiynau eraill, oherwydd eu ffocws penodol ar awdurdodaeth y Teulu.

Ein Ymateb (C10)

91. Byddwn yn bwrw ymlaen â'r cynnig i neilltuo ynadon teulu i fainc ar adeg eu penodi. Bydd y dull hwn yn cynnig manteision o ran meithrin cydweithrediad ar draws awdurdodaethau, cynorthwyo gyda chyfleoedd hyfforddi a datblygu, a sicrhau darpariaeth gofal bugeiliol. Bydd dyrannu achosion yn parhau i gael ei drefnu gan yr Ardal Panel Teulu.

C11

i: A ydych yn cytuno, lle rydym yn cynnig uno grwpiau llysoedd LJAs i ffurfio mainc fwy, y dylid uno'r Ardaloedd Panel Teulu (FPAs) sydd ar hyn o bryd yn adlewyrchu'r LJAs hynny hefyd, fel eu bod yn parhau i adlewyrchu'r fainc newydd?

ii: Fel arall, a ydych yn cytuno y dylai'r FPAs eraill aros yr un fath yn gyffredinol? Os ydych o'r farn y dylid diwygio unrhyw FPAs mewn unrhyw ffordd arall, rhowch fanylion a rhesymau dros eich ateb.

92. O ran C11(i), yn yr ymatebion amlddewis, ymatebodd 349 "Ydw", 203 "Nac ydw", a 638 "Ddim yn gwybod". Fel canran o'r 1,428 o ymatebion a dderbyniwyd i'r Ymgynghoriad yn gyffredinol, mae hyn yn cyfateb i 24% "Ydw", 14% "Nac ydw", a 45% "Ddim yn gwybod", gyda 15% (217 o ymatebion) heb eu hateb a 1% (21 o ymatebion) heb eu pennu.

Diwygio'r Ardaloedd Cyfiawnder Lleol

Ymateb i'r Ymgynghoriad ar strwythurau gweinyddol yr ynadaeth yn y dyfodol

93. Gofynnwyd C11(ii) i ymatebwyr ar-lein yn unig, ac felly mae'r canrannau yn seiliedig ar 1,290 o ymatebion ar-lein. Roedd yr ymatebion amlddewis fel a ganlyn: 34% (445 o ymatebion) "Ydw", 4% (47 o ymatebion) "Nac ydw", 49% (630 o ymatebion) "Ddim yn gwybod", 13% (168 o ymatebion) heb eu hateb, a 0% heb eu pennu.
94. Ar draws y ddau gwestiwn, darparwyd sylwadau testun rhydd gan oddeutu 400 o ymatebwyr.
95. Ymhlith y rhai a ymatebodd "Ydw" i ran (i) neu (ii), roedd cytundeb cyffredinol bod y cynigion yn ymddangos yn rhesymegol ac yn gwneud synnwyr, yn enwedig i'r rhai sydd eisoes yn eistedd mewn awdurdodaethau Teulu a Throsedd. Awgrymodd ymatebwyr y dylai uno ddigwydd fesul achos, gyda lle i eithriadau lleol, er mwyn sicrhau bod arbenigedd lleol yn cael ei gadw.
96. Ymhlith y rhai a ymatebodd "Nac ydw", roedd pryderon ynghylch colli hunaniaeth lleol, perthnasoedd ac arbenigedd. Roedd rhywfaint o ganfyddiad y byddai'r cynigion yn achosi tarfu diangen.
97. Tynnodd ymatebwyr ar y ddwy ochr sylw at bryderon ynghylch amseroedd teithio hirach o fewn Ardaloedd Panel Teulu mwy o faint.

Ein Ymateb (C11)

98. Rydym yn ddiolchgar i'r rhai a ymatebodd i'r cwestiynau hyn ac a roddodd eu barn ar y cynnig. Gan na fyddwn yn bwrw ymlaen â'r ad-drefnu meinciau arfaethedig, ni fydd unrhyw effaith ar FPAs ac felly ni fydd angen newid eu ffiniau.

C12: A ydych yn cytuno y dylid neilltuo ynadon teulu i "brif lys teulu", lle y disgwylir iddynt eistedd yno am 60% i 80% o'u heisteddiadau, ac a fyddai ddim mwy na 90 munud o daith bob ffordd o'u cyfeiriad cartref neu waith?

99. O ran yr ymatebion amlddewis, ymatebodd 255 "Ydw", 433 "Nac ydw", a 485 "Ddim yn gwybod". Fel canran o'r 1,428 o ymatebion a dderbyniwyd i'r Ymgynghoriad yn gyffredinol, mae hyn yn cyfateb i 18% "Ydw", 30% "Nac ydw", a 34% "Ddim yn gwybod", gyda 16% (223 o ymatebion) heb eu hateb a 2% (32 o ymatebion) heb eu pennu. Darparwyd sylwadau testun rhydd gan 440 o ymatebwyr.
100. Daeth themâu tebyg i'r amlwg yn y sylwadau testun rhydd ymhlith y rhai a gytunodd a'r rhai a anghytunodd â'r cynnig. Nododd y mwyafrif fod yr amser teithio arfaethedig o 90 munud yn rhy bell, ac y dylai cyfran yr eisteddiadau yn y prif lys fod ar ben uchaf y raddfa – naill ai 80% fel y terfyn uchaf yn y cynnig, neu 100% o'r eisteddiadau.

101. Ymhlith y rhai a anghytunodd yn llwyr â'r syniad o "Brif Lys Teulu", nodwyd y gall gwaith teulu gael ei ddsbarthu'n anwastad ar draws canolfannau llys, ac felly bod manteision i eistedd yn hyblyg er mwyn cynnal cymhwysedd.

Ein Ymateb (C12)

102. Cyn belled ag y bo modd, rydym am sicrhau dull cyson ar draws awdurdodaethau o ran dyrannu ynadon. Felly, bydd ynadon teulu yn cael eu neilltuo i brif lys, ond rydym yn cydnabod bod angen hyblygrwydd i allu eistedd mewn mannau eraill o ystyried natur dyrannu gwaith teulu.
103. Nodwn y pryderon ynghylch amser teithio a'r gwrthwynebiad a fynegwyd i'r terfyn arfaethedig o 90 munud. Fel gyda C8 uchod, rydym yn cydnabod nad yw hyn yn cael ei ystyried yn rhesymol ac felly byddem yn disgwyl na fydd teithiau i eistedd mewn llysoedd y tu allan i'r prif lys fel arfer yn fwy na 60 munud, a byddai angen cytuno ar unrhyw eithriadau rhwng yr ynad unigol a chadeirydd ei fainc.

C13: A ydych yn cytuno y dylid neilltuo ynadon ieuencid i "brif lys ieuencid", lle y disgwylir iddynt eistedd ar gyfer y rhan fwyaf o'u gwaith ieuencid?

104. O ran yr ymatebion amlddewis, ymatebodd 561 "Ydw", 123 "Nac ydw", a 500 "Ddim yn gwybod". Fel canran o'r 1,428 o ymatebion a dderbyniwyd i'r Ymgynghoriad yn gyffredinol, mae hyn yn cyfateb i 39% "Ydw", 9% "Nac ydw", a 35% "Ddim yn gwybod", gyda 16% (225 o ymatebion) heb eu hateb a 1% (19 o ymatebion) heb eu pennu. Darparwyd sylwadau testun rhydd gan 341 o ymatebwyr. Mae'n debygol bod Cwestiwn 13 wedi cael cyfran uwch o ymatebion "Ddim yn gwybod" a diffyg ymateb o gymharu â chwestiynau eraill, oherwydd ei ffocws penodol ar awdurdodaeth yr ieuencid.
105. Cytunodd llawer o ymatebwyr—gan gynnwys y rhai a ymatebodd "Ydw" a "Nac ydw" i'r elfen amlddewis—â'r egwyddor o brif lys ieuencid, tra'n pwysleisio pwysigrwydd dewis unigol yn y broses dyrannu. Nododd y rhai o blaid fanteision o ran sefydlogrwydd, parhad a chysondeb. Mynegodd llawer o ymatebwyr bryderon ynghylch amseroedd teithio hir.

Ein Ymateb (C13)

106. Fel y nodwyd uchod, rydym am sicrhau dull cyson ar draws awdurdodaethau—cyn belled ag y bo modd—o ran dyrannu ynadon. Felly, bydd ynadon ieuencid yn cael eu neilltuo i brif lys, ond rydym yn cydnabod pwysigrwydd cadw hyblygrwydd i alluogi ynadon ieuencid i eistedd mewn mannau eraill pan fo angen. Bydd neilltuadau i brif lys ieuencid yn ystyried anghenion adnoddau llysoedd lleol ochr yn ochr â dewisiadau personol ynadon.

107. Nodwn y pryderon ynghylch amseroedd teithio hir, yn enwedig o ystyried y nifer llai o lysoedd ieuenctid. Fel gyda C8 uchod, byddem yn disgwyl na fydd teithiau i eistedd mewn llysoedd heblaw'r prif lys fel arfer yn fwy na 60 munud, a byddai angen cytuno ar unrhyw eithriadau rhwng yr ynad unigol a chadeirydd ei fainc.

C14: A ydych yn cytuno y dylid neilltuo prif lys i ynadon presennol ar sail y llys lle maent wedi eistedd fwyaf dros y 12 mis diwethaf? Os nad ydych yn cytuno, sut y credwch y dylid dyrannu ynadon presennol?

108. O ran yr ymatebion aml-ddewis, ymatebodd 694 "Ydw", 503 "Nac ydw", a 73 "Ddim yn gwybod". Fel canran o'r 1,428 o ymatebion a dderbyniwyd i'r Ymgynghoriad yn gyffredinol, mae hyn yn cyfateb i 49% "Ydw", 35% "Nac ydw", a 5% "Ddim yn gwybod", gyda 9% (130 o ymatebion) heb eu hateb a 2% (28 o ymatebion) heb eu pennu. Darparwyd sylwadau testun rhydd gan 715 o ymatebwyr.
109. Roedd y rhai a ymatebodd "Ydw" o'r farn fod y dull arfaethedig yn synhwyrol, gan y byddai llawer o ynadon eisoes wedi bod yn eistedd yn eu llys agosaf ar gyfer y rhan fwyaf o'u heisteddiadau. Nodwyd y gallai fod achosion lle mae ynadon wedi eistedd mewn mannau eraill o dan amgylchiadau eithriadol—er enghraifft, cau llys dros dro neu er mwyn diwallu angen busnes mewn man arall—a dylid ystyried hyn, gyda'r ynadon yn cael eu hymgyngori ynghylch eu prif lys dewisol.
110. Awgrymodd y rhai a ymatebodd "Nac ydw" y dylid, yn hytrach, prif lys ar sail agosrwydd daeryddol yn hytrach na phatrymau eistedd diweddar. Pwysleisiasant hefyd bwysigrwydd ymgynghori ag ynadon ynghylch eu dewis cyn eu neilltuo i brif lys.

Ein Ymateb (C14)

111. Disgwyliwn y bydd eisteddiadau dros y 12 mis blaenorol, yn y rhan fwyaf o achosion, yn ddangosydd da ar gyfer neilltuo prif lys, ac y byddai hyn yn achosi ychydig iawn o darfu i'r mwyafrif o ynadon. Fodd bynnag, rydym yn cydnabod y gall fod rhesymau pam fod ynad wedi eistedd amlaf mewn llys na fyddai'n addas fel prif lys "parhaol", ac felly bydd lle i ddisgresiwn ar sail amgylchiadau unigol. Lle mae ynadon wedi bod yn teithio pellteroedd hir yn rheolaidd ar gyfer eisteddiadau llys, efallai na fydd y dull hwn yn briodol, gan ei bod yn well yn y rhan fwyaf o achosion i eistedd mewn llys sy'n lleol i'w cyfeiriad preswyl neu waith, yn unol ag egwyddor cyfiawnder lleol.
112. Cyn cadarnhau neilltuadau prif lys, byddem hefyd yn asesu a fydd gan y llys adnoddau digonol i ddiwallu angen busnes ac a yw'r prif lys o fewn amser teithio rhesymol (a ddiffinnir, fel yr uchod, o fewn 60 munud o amser teithio) i'r ynad unigol. Gall fod achosion eithriadol lle, os yw ynad yn fodlon teithio ymhellach i brif lys

dewisol ac os oes angen busnes gwirioneddol o fewn y system gyfiawnder, y gallai fod lle i ddisgresiwn ar sail fesul achos mewn achosion prin o'r fath.

C15: Yn eich barn chi, a fyddai'r strwythur dyrannu arfaethedig yn cael unrhyw effaith ar unrhyw nodwedd warchoddedig o dan adran 149 o Ddeddf Cydraddoldeb 2010? Os ateboch 'Ydw', nodwch y nodwedd(ion) gwarchoddedig, a rhowch resymau dros eich ateb.

113. O ran yr ymatebion amlddewis, ymatebodd 470 "Ydw", 232 "Nac ydw", a 526 "Ddim yn gwybod". Fel canran o'r 1,428 o ymatebion a dderbyniwyd i'r Ymgynghoriad yn gyffredinol, mae hyn yn cyfateb i 33% "Ydw", 16% "Nac ydw", a 37% "Ddim yn gwybod", gyda 13% (184 o ymatebion) heb eu hateb a 1% (16 o ymatebion) heb eu pennu. Darparwyd sylwadau testun rhydd gan 516 o ymatebwyr.
114. Nododd y rhai a ymatebodd "Ydw" effaith amseroedd teithio hirach ar ynadon hŷn, y rhai ag anabledau, a'r rhai â chyfrifoldebau gofal plant neu ofalu, a allai gyfyngu ar eu gallu i barhau yn eu rôl.
115. Nododd y rhai a ymatebodd "Nac ydw" fod prosesau presennol ar gyfer addasiadau rhesymol eisoes ar waith, a phwysleisiasant y byddai angen i'r rhain barhau. Awgrymasant hefyd y byddai angen opsiynau digonol ar gyfer hawlio treuliau oherwydd teithio hirach.

Ein Ymateb (C15)

116. Gan na fyddwn yn bwrw ymlaen ag ad-drefnu ffiniau meinciau, bydd y newidiadau i'r dull dyrannu yn fwy cyfyngedig nag a gynigiwyd yn wreiddiol. Bydd hyn yn lleihau tarfu ac, yn ein barn ni, yn lliniaru rhai o'r pryderon a godwyd ynghylch effaith ar grwpiau â nodweddion gwarchoddedig.
117. Fodd bynnag, rydym yn nodi'r pryderon penodol ynghylch effaith amseroedd teithio hirach, ac rydym wedi mynd i'r afael â'r rhain yn ein ymateb i C8 uchod.
118. Bydd addasiadau rhesymol yn parhau i fod yn berthnasol i unrhyw drefniadau eistedd ar gyfer ynadon ag anabled neu salwch hirdymor cyfyngol. Gall ynadon barhau i ofyn am drefniadau gwaith hyblyg lle bo'u hamgylchiadau personol yn ei gwneud yn ofynnol, a bydd digon o hyblygrwydd yn y dull dyrannu i ystyried amgylchiadau unigol.
119. Bydd ynadon Cymraeg yn cadw'r hawl i eistedd mewn llysoedd Cymraeg lle bo hynny'n cael ei ffafrio.

Pennod 5: Arweinyddiaeth Mainc

120. Amlinellodd Pennod 5 o'r ymgynghoriad y strwythur arweinyddiaeth presennol, lle mae gan bob un o'r 75 o LJAs Gadeirydd Mainc sy'n gyfrifol am fusnes y llys a gofal bugeiliol yr ynadon yn eu hardal. Mae rhai agweddau ar arweinyddiaeth ynadon ieuencid a theulu yn cael eu dirprwyo i Gadeiryddion Panel Ieuencid a Theulu yn y drefn honno. Mae'r ymgynghoriad yn nodi ymrwymiad i gynnal strwythur arweinyddiaeth leol cadarn ac yn ceisio barn ar sut y gallai hyn edrych, gan gyflwyno ychydig o fodelau posibl. Ymdriniwyd â phedwar pwnc eang:
- a. Rôl Cadeirydd y Fainc a defnydd o Ddirprwy Gadeiryddion (Cwestiynau 16, 17, 18, 19, 20, 21)
 - b. Penodi arweinwyr (Cwestiynau 22, 23)
 - c. Gwelliannau i'r strwythur arweinyddiaeth leol (Cwestiwn 24)
 - d. Arweinyddiaeth Teulu / Ieuencid (Cwestiwn 25)
121. **Nodyn:** Gall ymatebwyr gytuno neu anghytuno mewn egwyddor â'r cynigion ond nodi amodau yn eu sylwadau testun rhydd. Felly, dylid darllen ymatebion "Ydw/Nac ydw" ochr yn ochr â'r crynodeb o'r sylwadau testun rhydd ar gyfer pob cwestiwn.

C16: A ydych yn cytuno â'r egwyddor o rannu llwyth gwaith rôl Cadeirydd y Fainc er mwyn gwneud y rôl yn fwy hylaw ac annog mwy o ynadon i ymgeisio am y swydd?

122. O ran yr ymatebion amlddewis, ymatebodd 549 "Ydw", 569 "Nac ydw", a 166 "Ddim yn gwybod". Fel canran o'r 1,428 o ymatebion a dderbyniwyd i'r Ymgynghoriad yn gyffredinol, mae hyn yn cyfateb i 38% "Ydw", 40% "Nac ydw", a 12% "Ddim yn gwybod", gyda 9% (127 o ymatebion) heb eu hateb a 1% (17 o ymatebion) heb eu pennu. Darparwyd sylwadau testun rhydd gan 184 o ymatebwyr.
123. Roedd consensws eang ymhlith ymatebwyr fod rôl bresennol Cadeirydd y Fainc yn eang, yn gymhleth ac weithiau'n anodd ei rheoli, ac y gallai hyn atal pobl rhag ymgeisio. Mynegodd rhai bryder y byddai cynnydd ym maint meinciau, o dan y newidiadau ffiniau arfaethedig, yn gwaethygu'r heriau hyn. Roedd safbwyntiau'n amrywio o ran sut i fynd i'r afael â hyn—boed drwy rannu'r rôl neu drwy ddirprwyo mwy i Ddirprwy Gadeiryddion.

Ein Ymateb (C16)

124. Diben Cwestiynau 16 i 21 oedd ystyried a ddylid diwygio rôl Cadeirydd y Fainc—ac os felly, sut—er mwyn ei gwneud yn fwy hylaw. Y prif ysgogiad dros hyn oedd, o dan y newidiadau arfaethedig i ffiniau meinciau yn dilyn diddymu LJAs, y byddai Cadeiryddion Meinciau unigol yn dod yn gyfrifol am fwy o ynadon ar draws ardal ddaearyddol fwy, ac felly byddai eu rôl yn ehangu.

Diwygio'r Ardaloedd Cyfiawnder Lleol

Ymateb i'r Ymgynghoriad ar strwythurau gweinyddol yr ynadaeth yn y dyfodol

125. Dengys yr ymatebion i C16 fod rôl Cadeirydd y Fainc, hyd yn oed o dan y trefniadau presennol, yn un fawr, gymhleth a heriol, sy'n aml yn cario llwyth gwaith gormodol a risg o flinder. Er na fyddwn yn bwrw ymlaen â'r cynigion i gynyddu maint meinciau, mae'n parhau'n bwysig ystyried pa gamau y dylid eu cymryd i leddfu'r baich ar Gadeiryddion Meinciau unigol.
126. **Nodyn:** Rydym wedi darparu ymateb cyfun i Gwestiynau 17 i 19 isod gan fod y tri yn gysylltiedig yn agos.

C17: A ddylid rhannu'r rôl arweinyddiaeth yn ddwy rôl ar wahân – un yn canolbwyntio ar reoli busnes y llys a'r llall ar faterion lles a bugeiliol?

127. O ran yr ymatebion amlddewis, ymatebodd 346 "Dylid", 778 "Na ddylid", a 183 "Ddim yn gwybod". Fel canran o'r 1,428 o ymatebion a dderbyniwyd i'r Ymgynghoriad yn gyffredinol, mae hyn yn cyfateb i 24% "Dylid", 54% "Na ddylid", a 13% "Ddim yn gwybod", gyda 8% (121 o ymatebion) heb eu hateb a 0% heb eu pennu. Darparwyd sylwadau testun rhydd gan 266 o ymatebwyr.
128. Awgrymodd y rhai o blaid rhannu'r rôl arweinyddiaeth—gan gynnwys Gweithrediaeth Arweinyddiaeth yr Ynadaeth—fod angen sgiliau gwahanol ar gyfer cyfrifoldebau bugeiliol a busnes, ac fod y rhan fwyaf o ymgeiswyr ar gyfer rôl Cadeirydd y Fainc yn fwy addas ar gyfer un neu'r llall, ond nid y ddwy. Cynigiodd y Weithrediaeth fodel rhannu lle byddai arweinyddiaeth fugeiliol yn cael ei chadw'n lleol, tra byddai arweinyddiaeth fusnes a strategol yn cael ei thrafod ar lefel ranbarthol ar gyfer pob awdurdodaeth.
129. Awgrymodd y rhai a oedd yn gwrthwynebu rhannu'r rôl—gan gynnwys Cymdeithas yr Ynadon—fod cyfrifoldebau bugeiliol a busnes yn rhyng-gysylltiedig, ac y gallai eu gwahanu greu dryswch a gwanhau effeithiolrwydd arweinyddiaeth meinciau. Mynegwyd rhywfaint o wrthwynebiad i safon a osodir yn genedlaethol, gyda ffafriaeth yn hytrach i benderfyniadau gael eu gwneud yn lleol, ar sail yr amgylchiadau lleol.

C18: Sut, yn eich barn chi, y gellid gwneud defnydd gwell o Ddirprwy Gadeiryddion Meinciau i rannu cyfrifoldebau'r Cadeirydd? Er enghraifft, a ddylai fod rheolau neu ganllawiau ynghylch faint o Ddirprwy Gadeiryddion y dylid eu penodi yn ôl nifer yr ynadon neu'r llysoedd mewn mainc? A/neu a ddylai fod canllawiau neu reolau ynghylch pa agweddau ar gyfrifoldebau'r Cadeirydd ddylai ddisgyn i Ddirprwy Gadeiryddion?

130. Nid oedd elfen amlddewis i C18. Darparwyd sylwadau testun rhydd gan 943 o ymatebwyr.

131. Cefnogodd y rhan fwyaf o ymatebwyr y syniad o rywfaint o ganllawiau arfer gorau, ond ni chefnogwyd y syniad o osod "rheolau" gorfodol, gan bwysleisio pwysigrwydd hyblygrwydd lleol. Nododd llawer yr angen am ddisgrifiadau swydd mwy clir ar gyfer Dirprwy Gadeiryddion Meinciau.
132. Roedd llawer o ymatebwyr o'r farn bod y systemau presennol yn gweithio'n dda, ac y dylid gadael y penderfyniad ynghylch pryd a sut i ddefnyddio Dirprwy Gadeiryddion i ddisgresiwn pob Cadeirydd Mainc.

C19: A oes gennych opsiwn dewisol o opsiynau i a ii uchod? H.y. a ydych o'r farn y byddai'n well rhannu rôl Cadeirydd y Fainc yn gyfrifoldebau busnes y llys a bugeiliol, neu wneud defnydd gwell o Ddirprwy Gadeiryddion i rannu'r llwyth gwaith?

133. O ran yr ymatebion amlddewis, pleidleisiodd 9% (131 o ymatebion) dros "Opsiwn i (rannu'r rôl)", pleidleisiodd 53% (763 o ymatebion) dros "Opsiwn ii (gwneud defnydd gwell o Ddirprwy Gadeiryddion)", nododd 19% (278 o ymatebion) "Dim dewis", ac ni atebodd 18% (255 o ymatebion) y cwestiwn, gyda 0% (1 ymateb) yn nodi "Ddim yn gwybod". Darparwyd sylwadau testun rhydd gan 532 o ymatebwyr.
134. Ymhlith y 894 o ymatebwyr a fynegodd ddewis, roedd 85% yn ffafrio gwneud defnydd gwell o Ddirprwy Gadeiryddion. Teimlent y byddai'r dull hwn yn cynnal un pwynt arweinyddiaeth tra'n lleihau llwyth gwaith Cadeirydd y Fainc. Pwysleisiodd llawer y byddai rhoi mwy o gyfrifoldeb i Ddirprwy Gadeiryddion yn cefnogi eu datblygiad ac yn cynyddu'r tebygolrwydd y byddent yn dod yn Gadeiryddion Meinciau yn y dyfodol. Pwysleisiodd nifer o ymatebwyr hefyd y dylai cyfrifoldebau bugeiliol aros gyda Chadeirydd y Fainc yn hytrach na chael eu dirprwyo i Ddirprwy Gadeiryddion.
135. Thema ailadroddus ar draws yr ymatebion oedd pwysigrwydd hyblygrwydd lleol, gyda'r farn y dylai Cadeiryddion Meinciau bennu'r dull sy'n gweithio orau yn lleol.

Ein Ymateb (C17–C19)

136. Mae yna ffafriaeth glir dros annog defnydd gwell o Ddirprwy Gadeiryddion Meinciau, ac rydym yn nodi'r gwrthwynebiad cryf ymhlith y mwyafrif o ymatebwyr i rannu rôl Cadeirydd y Fainc yn ddwy rôl ar wahân yn ffurfiol. Nid ydym yn bwriadu gorfodi'r defnydd o Ddirprwy Gadeiryddion, gan gydnabod bod y sefyllfa'n amrywio rhwng ardaloedd a bod angen hyblygrwydd a disgresiwn lleol yn hytrach na gosod dull "un maint i bawb". Fodd bynnag, o ystyried y pryderon fod y rôl yn aml yn rhy eang i un unigolyn, anogir Cadeiryddion Meinciau'n gryf i wneud defnydd gwell o Ddirprwy Gadeiryddion fel ffordd o leihau'r galwadau arweinyddiaeth arnynt yn unigol ac i wneud y llwyth gwaith yn fwy hylaw. Er mwyn eu cynorthwyo i wneud hynny, byddwn yn datblygu ac yn cyhoeddi fframwaith a fydd yn nodi argymhellion ynghylch pryd a sut y dylai Cadeiryddion Meinciau ddirprwyo rhai o'u cyfrifoldebau i Ddirprwy neu

Ddirprwyon. Byddwn yn parhau i ddarparu cyngor a chyfarwyddyd clir ar ddirprwyo priodol drwy hyfforddiant cynefino Cadeiryddion Meinciau.

137. Bydd goruchwyliaeth ar lefel leol yn hanfodol i sicrhau nad yw Cadeiryddion Meinciau yn cael eu gorlwytho â chyfrifoldebau dydd i ddydd, ac i nodi lle gall fod angen ymyrraeth i'w hannog i ddirprwyo rhai o'u cyfrifoldebau.
138. Er na fyddwn yn gwahanu cyfrifoldebau busnes a bugeiliol Cadeirydd y Fainc yn ddwy rôl ar wahân, rydym yn cytuno bod manteision i gryfhau goruchwyliaeth ranbarthol o reolaeth leol busnes barnwrol yn y llysoedd ynadon, ac mae opsiynau yn cael eu hystyried o fewn cwmpas adolygiad yr Uwch Farnwr Llywyddol o strwythurau llywodraethu'r ynadaeth.

C20: A ydych yn credu bod unrhyw newidiadau eraill y gallem eu gwneud i rôl Cadeirydd y Fainc er mwyn annog mwy o ynadon i ymgeisio am y swydd hon?

139. Nid oedd elfen aml-ddewis i C20. Darparwyd sylwadau testun rhydd gan 776 o ymatebwyr.
140. Ymhlith y syniadau a gyflwynwyd roedd: datblygu disgrifiad rôl manwl i egluro beth yn union y mae'r rôl yn ei olygu; gwella cymorth gweinyddol a chyfathrebu ar gyfer Cadeiryddion Meinciau; cyflwyno cynlluniau cynefino, mentora a chymorth cymheiriaid ar gyfer Cadeiryddion; cyflwyno opsiynau ar gyfer rhannu swydd neu gyd-gadeirio; a sicrhau bod gan Gadeiryddion Meinciau'r offer angenrheidiol i gyflawni eu cyfrifoldebau.
141. Nododd ymatebwyr yr ymrwymiad amser sylweddol sydd ei angen i fod yn Gadeirydd Mainc, ac awgrymasant na fyddai gan lawer o ynadon—yn enwedig ynadon iau sy'n gweithio neu'r rhai â chyfrifoldebau gofal plant neu ofalu eraill—y capasiti i ymgymryd â'r rôl wirfoddol ychwanegol. Mynegodd rhai bryder y byddai'r ardaloedd daearyddol mwy a gwmpesir gan bob mainc o dan y ffiniau arfaethedig yn cynyddu ymhellach y llwyth gwaith a'r galwadau ar Gadeiryddion Meinciau.

Ein Ymateb (C20)

142. Rydym yn cydnabod yr ymrwymiad amser sylweddol sy'n gysylltiedig â bod yn Gadeirydd Mainc, ac yn parhau'n ddiolchgar i'r rhai sy'n gwirfoddoli eu hamser i ymgymryd â'r rolau hanfodol hyn ochr yn ochr â'u hymrwymadau a'u cyfrifoldebau eraill.
143. Rydym yn cytuno bod manteision i gael disgrifiadau rôl clir a manwl sy'n nodi'r disgwyliadau ar Gadeiryddion Meinciau. Er y gall fod amrywiad lleol mewn rhai manylion o ran gofynion unigol y rôl, bydd y cyfrifoldebau cyffredinol yn parhau'n

Diwygio'r Ardaloedd Cyfiawnder Lleol

Ymateb i'r Ymgynghoriad ar strwythurau gweinyddol yr ynadaeth yn y dyfodol

gyson, ac felly byddwn yn datblygu ac yn cyhoeddi fframwaith a fydd yn gwasanaethu'r diben hwn. Bydd unigolion yn gallu cyfeirio at y fframwaith hwn wrth ystyried a ydynt yn dymuno cyflwyno eu hunain ar gyfer rolau o'r fath.

144. Credwn y bydd defnydd cynyddol o Ddirprwy Gadeiryddion Meinciau, fel y nodwyd uchod, yn galluogi mwy o ynadon i ddatblygu profiad arweinyddiaeth, ac rydym yn gobeithio y gallai hyn eu hannog i sefyll ar gyfer rolau Cadeirydd Mainc yn y dyfodol, ar ôl ennill profiad uniongyrchol o natur y rôl.
145. Rydym yn nodi'r awgrymiadau eraill a gyflwynwyd yn yr ymatebion, a byddwn yn rhoi ystyriaeth bellach i sut y gellid bwrw ymlaen â'r rhain, neu fesurau eraill, yn y dyfodol.

C21: Faint o ynadon, yn eich barn chi, y gallai un arweinydd eu goruchwyllo'n rhesymol? Rhowch ffigur ar gyfer y canlynol: (a) arweinwyr a fyddai'n goruchwyllo busnes barnwrol yn unig; (b) arweinwyr a fyddai'n goruchwyllo materion bugeiliol yn unig; (c) arweinwyr a fyddai'n goruchwyllo busnes barnwrol a materion bugeiliol.

146. Nid oedd elfen amlddewis i C21. Darparwyd sylwadau testun rhydd gan 856 o ymatebwyr.
147. Gofynnwyd i ymatebwyr ddarparu ffigurau ar gyfer nifer yr ynadon fesul rôl arweinyddiaeth; ar gyfartaledd, argymhellwyd rhwng 100 a 200 o ynadon fesul rôl arweinyddiaeth. Y canolrif ar gyfer pob elfen oedd:
- Busnes Barnwrol yn unig: 157.5
 - Materion Bugeiliol yn unig: 125
 - Y ddau: 150
148. Nododd llawer ei bod yn amhosibl rhoi ffigurau pendant, neu fe seiliasant eu hatebion ar brofiad personol, gan bwysleisio y byddai niferoedd pendant yn dibynnu ar gapasiti unigol a lleol, neu mai Cadeiryddion Meinciau yn unig fyddai'n gymwys i ddarparu ffigurau o'r fath. Nid oedd nifer o ymatebwyr o blaid rhannu'r rôl ac felly gwrthodasant ateb opsiynau (a) neu (b). Pwysleisiasant bwyntiau tebyg i'w hatebion blaenorol ynghylch anaddasrwydd gwahanu swyddogaethau busnes a bugeiliol a'r angen i wneud defnydd mwy effeithiol o Ddirprwy Gadeiryddion.

Ein Ymateb (C21)

149. Credwn y gallai un arweinydd oruchwyllo tua 150 o ynadon yn rhesymol. Fodd bynnag, rydym yn cydnabod y bydd y galwadau ar Gadeiryddion Meinciau yn amrywio, ac na fydd dull "un maint i bawb" yn briodol.
150. Mae'n werth nodi ein bod yn gobeithio recriwtio llawer mwy o ynadon dros y blynyddoedd nesaf er mwyn diwallu'r galw cynyddol yn llysoedd yr ynadon, a bydd y

recriwtio cynyddol hwn yn arwain at fwy o unigolion o dan gyfrifoldeb cyffredinol Cadeiryddion Meinciau. Er mwyn lliniaru rhai o'r effeithiau a fydd hyn yn eu cael, byddwn yn parhau i annog dirprwyo rhai cyfrifoldebau i Ddirprwy Gadeiryddion, fel y nodwyd uchod.

151. **Nodyn:** Rydym wedi darparu ymateb cyfun i Gwestiynau 22 a 23 isod gan fod y ddau yn gysylltiedig yn agos.

C22: A ydych yn credu y dylai arweinwyr lleol yr ynadon (Cadeirydd Mainc; Dirprwy Gadeirydd Mainc; Cadeirydd y Panel Teulu; Cadeirydd y Panel Ieuenctid; a Dirprwy Gadeiryddion y Panel Teulu/ Ieuenctid) gael eu hethol neu eu dewis, neu gyfuniad o'r ddau?

152. O ran yr ymatebion amlddewis, dewisodd 66% (945 o ymatebion) "Ethol", 4% (53 o ymatebion) "Wedi'u dewis", a 15% (218 o ymatebion) "Cyfuniad o'r ddau". Nododd 6% (79 o ymatebion) "Dim dewis", ac ni atebodd 9% (133 o ymatebion) y cwestiwn. Darparwyd sylwadau testun rhydd gan 870 o ymatebwyr.
153. Dadleuodd y rhai a oedd yn ffafrio **ethol** — gan gynnwys Cymdeithas yr Ynadon—y dylai ynadon allu dewis eu harweinwyr, a bod hyn yn bwysig ar gyfer cynnal cysylltiad lleol, atebolrwydd, ymddiriedaeth ac annibyniaeth leol. Awgrymodd rhai fod ethol yn sicrhau amrywiaeth gan ei fod yn annog mwy o bobl i gyflwyno eu hunain ac yn osgoi'r risg o ffafriaeth drwy brosesau dethol. Nodwyd hefyd fod ethol yn fwy tryloyw na dethol. Cyfeiriodd rhai at y ffaith fod Cadeiryddion Meinciau ar hyn o bryd yn cael eu hethol ac nad oeddent yn gweld rheswm dros newid y drefn bresennol.
154. Pwysleisiodd y rhai a oedd yn ffafrio **eu dewis** yr angen am ddisgrifiad rôl a manyleb person glir er mwyn sicrhau bod unigolion a benodir yn bodloni gofynion y rôl. Awgrymodd rhai y gallai dethol sicrhau amrywiaeth ac osgoi'r risg o ffafriaeth a allai godi o ethol ar sail poblogrwydd personol. Awgrymwyd hefyd y byddai dethol yn decach ac yn fwy tryloyw.
155. Credai'r rhai a oedd yn ffafrio **cyfuniad o'r ddau** — gan gynnwys MLE — y byddai model cymysg yn cyfuno manteision ethol a dethol. Roedd llawer o ymatebwyr a gefnogodd y dull hwn hefyd yn ffafrio rhannu rôl Cadeirydd y Fainc, gan awgrymu yn ei dro y dylai'r rôl fugeiliol gael ei hethol a'r rôl fusnes gael ei dewis.
156. Pryder cyffredin ar draws yr holl opsiynau oedd bod diffyg cyffredinol o wirfoddolwyr yn cyflwyno eu hunain ar gyfer rolau arweinyddiaeth.

C23: Os ydych o'r farn y dylai rhai arweinwyr gael eu hethol ac eraill gael eu dewis, nodwch pa fathau o rolau ddylai gael eu hethol, a pha rai ddylai gael eu dewis.

157. Nid oedd elfen amlddewis i C23. Darparwyd sylwadau testun rhydd gan 648 o ymatebwyr.
158. Fel gyda'r ymatebion i C22 uchod, roedd llawer o ymatebwyr a gefnogodd y dull hwn yn ffafrio rhannu rôl Cadeirydd y Fainc, gan awgrymu yn ei dro y dylai'r rôl fugeiliol gael ei hethol a'r rôl fusnes gael ei dewis. Ymhlith y rhai nad oeddent yn cefnogi rhannu rôl y fainc ond a oedd yn ffafrio dull cyfun, yr awgrym mwyaf cyffredin oedd ethol Cadeiryddion Meinciau a dewis Dirprwyon. Cefnogodd rhai'r syniad y dylai Cadeiryddion Meinciau ddewis eu Dirprwyon, gan awgrymu y byddai hyn yn helpu i sicrhau perthnasoedd gwaith cadarnhaol.

Ein Ymateb (C22, C23)

159. Yr arfer presennol yw ethol Cadeiryddion Meinciau lleol a'u Dirprwyon. Nododd ymatebwyr ffafriaeth llethol dros barhau ag ethol yn hytrach na dethol, ac felly nid ydym yn cynnig newid o'r dull presennol. Bydd Cadeiryddion Meinciau, Cadeiryddion Panel Teulu, a Chadeiryddion Panel Ieuencid, ynghyd â'u Dirprwyon, yn parhau i gael eu hethol.
160. Fodd bynnag, rydym yn ymwybodol nad yw llawer o ynadon yn cyflwyno eu hunain ar gyfer ethol i rolau arweinyddiaeth, ac rydym yn gobeithio y bydd y mesurau a amlinellwyd uchod—cyhoeddi disgrifiadau rôl; gwneud y rôl yn fwy hylaw; ac annog mwy o bobl i ennill profiad arweinyddiaeth fel Dirprwyon —yn helpu i wneud y rôl yn fwy deniadol i ynadon.
161. Gall fod yn angenrheidiol, lle byddai Dirprwy Gadeirydd Mainc yn ddefnyddiol ac yn ddymunol ond nad oes neb wedi cyflwyno ei hun ar gyfer ethol, benodi dirprwy drwy broses datganiad o ddiddordeb. Byddai hyn yn cael ei wneud mewn ymgynghoriad llawn â'r fainc leol ac ar fenter Cadeirydd y Fainc.

C24: A oes gennych unrhyw syniadau eraill ynghylch sut y gellid gwella'r strwythur arweinyddiaeth leol presennol?

162. Nid oedd elfen amlddewis i C24. Darparwyd sylwadau testun rhydd gan 385 o ymatebwyr.
163. Ymhlith yr awgrymiadau ar gyfer gwelliant roedd galwadau am arweinyddiaeth leol fwy symlach; rolau wedi'u diffinio'n fwy clir; tryloywder mewn prosesau recriwtio;

gwell cyfathrebu rhwng arweinwyr ac ynadon; cynnal dulliau lleol; cynyddu amrywiaeth; ac atebolrwydd clir.

Ein Ymateb (C24)

164. Cafwyd cymharol ychydig o ymatebion i'r cwestiwn hwn, ac rydym yn ddiolchgar i'r rhai a gyflwynodd awgrymiadau. Roedd nifer o themâu cyffredin rhwng y cwestiwn hwn a chwestiynau eraill, yn enwedig yr angen am arweinyddiaeth symlach, eglurder pellach ynghylch natur rolau arweinyddiaeth, a gwell cymorth i arweinwyr. Ymdrinnir â'r rhain yn ein ymatebion i gwestiynau blaenorol yn y bennod hon.
165. Pwysleisiodd rhai ymatebion yr angen am wneud penderfyniadau lleol ar faterion lleol. Mae hyn yn cyd-fynd ag un o egwyddorion allweddol adolygiad yr Uwch Farnwr Llywyddol o drefniadau llywodraethu; er y bydd yn bwysig sicrhau cysondeb a rhannu arfer da, dylid, lle bo'n bosibl, gwneud penderfyniadau mor agos at y gweithrediad ag y bo modd, ac osgoi canoli gormodol. Bydd yr ymateb i'r ymgynghoriad ar yr Adolygiad Llywodraethu yn mynd i'r afael â chwestiynau ynghylch llywodraethu lleol a strwythurau gwneud penderfyniadau.

C25: A oes gennych unrhyw sylwadau pellach ynghylch y cynigion arweinyddiaeth yn y bennod hon mewn perthynas â'r systemau ieuenctid neu deulu?

166. Nid oedd elfen amlddewis i C25. Darparwyd sylwadau testun rhydd gan 160 o ymatebwyr.
167. Mynegodd llawer o ymatebion gefnogaeth i'r system bresennol. Ailadroddodd rhai sylwadau ffafriaeth dros arweinwyr etholedig; galwodd eraill am fwy o adnoddau, cymorth a hyfforddiant; a phwysleisiodd eraill bwysigrwydd cydnabod anghenion unigryw awdurdodaethol a daearyddol.

Ein Ymateb (C25)

168. Ni chynigiodd yr ymgynghoriad unrhyw newidiadau i rolau Cadeiryddion Panel Teulu a Ieuenctid, heblaw ystyried a ddylai'r rolau hynny gael eu hethol neu eu dewis (a drafodwyd yn ein ymateb i C22 a C23 uchod). Gan fod mwyafrif yr ymatebion i'r cwestiwn hwn yn mynegi cefnogaeth i'r system bresennol, nid ydym o'r farn bod angen unrhyw newidiadau pellach.

Pennod 6: Pwyllgorau Hyfforddiant, Penodiadau, Awdurdodiadau a Gwerthusiadau (TAAACs)

169. Nododd yr ymgynghoriad fod 45 o TAAACs ledled Cymru a Lloegr yn ormod ar gyfer gweithrediad effeithiol. Gofynnwyd a ellid lleihau'r nifer i un TAAAC troseddol ac un

Diwygio'r Ardaloedd Cyfiawnder Lleol

Ymateb i'r Ymgynghoriad ar strwythurau gweinyddol yr ynadaeth yn y dyfodol

TAAAC teulu fesul rhanbarth a Chymru, gan atgynhyrchu'r strwythur presennol yn Llundain. Awgrymwyd y byddai lleihau nifer y TAAACs yn darparu mwy o gysondeb ar draws pob rhanbarth. Byddai aelodau'n cael eu tynnu o'r meinciau sy'n eistedd o fewn y cylchdaith hwnnw.

170. Mae rhai agweddau ar waith y TAAACs eisoes yn gweithredu ar lefel cylchdaith, felly dylai ffurfio TAAACs ar sail cylchdaith weithio'n dda ac annog rhannu arfer gorau ac adnoddau ar draws ffiniau daearyddol.
171. Byddai hyn yn lleihau nifer aelodau TAAAC mewn cylchdaith, ond byddem yn sicrhau bod pob mainc yn cael ei chynrychioli'n briodol.
172. Gall pwyllgorau â nifer fawr o aelodau fod yn anodd eu rheoli, felly gallai strwythur is-bwyllgor ganiatáu i faterion penodol sy'n effeithio ar y gylchdaith gyfan a gynrychiolir gael eu hystyried gan nifer lai o ynadon.

C26: A ydych yn cytuno y dylid lleihau'r 45 o TAAACs i 14, gydag un JTAAAC ac un FTAAAC ar gyfer pob un o'r saith cylchdaith barnwrol a Llundain?

C27: A oes gennych syniadau ynghylch sut y gellid strwythuro TAAACs mwy drwy ddefnyddio is-bwyllgorau, grwpiau gwaith neu fecanweithiau eraill? Beth y byddai'r is-strwythurau hynny'n eu cynnwys fel arfer? Rhowch wybod i ni eich syniadau.

173. O ran yr ymatebion amlddewis i C26, ymatebodd 237 "Ydw", 652 "Nac ydw" a 388 "Ddim yn gwybod". Fel canran o'r 1,428 o ymatebion a dderbyniwyd, mae hyn yn cyfateb i 17% "Ydw", 46% "Nac ydw" a 27% "Ddim yn gwybod", gyda 151 o ymatebion naill ai heb eu hateb (10%) neu heb eu pennu (1%).
174. Darparwyd sylwadau testun rhydd gan 881 o ymatebwyr i C26, a 673 i C27.
175. Drwy gydol Pennod 6, nododd llawer o'r rhai a ymatebodd "Ddim yn gwybod" nad oedd ganddynt farn gan nad oeddent yn gyfarwydd â TAAACs neu eu bod yn newydd i'r ynadaeth.
176. Ymhlith y rhai a ymatebodd, roedd y mwyafrif o'r pryderon a nodwyd yn y sylwadau testun rhydd yn ymwneud â cholli cyfiawnder lleol ac anhawster gweinyddol rheoli TAAACs mor fawr. Roedd themâu cyffredin yn cynnwys: colli cydweithrediad lleol ymhlith ynadon a llai o gyfleoedd ar gyfer gweithredu wyneb yn wyneb; gwanhau gwybodaeth a chysylltiadau lleol; y nifer fawr o ynadon y byddai'n rhaid i TAAAC ei reoli o'i gymharu â nifer fach o staff arweinyddiaeth; a'r cynnydd yn y llwyth gwaith i aelodau TAAAC (yn enwedig mewn perthynas â mentora a gwerthusiadau).

Diwygio'r Ardaloedd Cyfiawnder Lleol

Ymateb i'r Ymgynghoriad ar strwythurau gweinyddol yr ynadaeth yn y dyfodol

“Byddai uno i mewn i un TAAAC rhanbarthol mawr yn arwain at gollu gwybodaeth leol am ynadon o fewn yr LJAs. Mae eisoes yn anodd sicrhau adnoddau ar gyfer TAAACs, a byddai un sy'n bedair gwaith yn fwy yn wynebu llwyth gwaith ychwanegol sylweddol... Mae TAAACs gweithio orau pan maent yn lleol ac yn meddu ar wybodaeth leol am yr ynadon y maent yn eu gwasanaethu. Mae gwerthuso a mentora yn dibynnu ar berthnasoedd agos a chynefindra â'r ffordd y mae pob llys a mainc yn gweithredu. Byddai dileu'r cysylltiadau hyn yn troi'r rhain yn brosesau pell ac yn eu gwneud yn anos denu a chadw aelodau TAAAC.” – Ynadon Heddwch Nottingham

“Byddai TAAAC sy'n cwmpasu ardal ddaearyddol fawr yn rhy anodd ei reoli ac yn arafu prosesau. Byddai rhoi adborth, cymorth a chynghor i ynadon yn mynd yn rhy amhersonol. Byddai'n rhaid cynnal cyfarfodydd ar-lein, ac mae manteision sylweddol i gyfarfodydd wyneb yn wyneb, o leiaf ar rai achlysuron.” – Ynad Heddwch (LJA heb ei nodi)

177. Teimlai rhai ymatebwyr y byddai lleihau nifer y TAAACs yn gwaethygu problemau presennol. Nododd rhai hefyd nad oeddent yn gweld rhesymeg argyhoeddiadol dros leihau nifer y TAAACs.
178. Roedd 126 o ymatebwyr o'r farn y byddai'r cynnydd canfyddedig yn y llwyth gwaith yn atal ynadon rhag ymgeisio am rolau TAAAC, ar adeg pan fo eisoes yn anodd dod o hyd i wirfoddolwyr. Awgrymodd nifer hefyd fod gwirfoddolwyr yn cael eu cymell gan wasanaethu eu cymuned leol, ac felly pe bai'r cysylltiad lleol yn cael ei wanhau, byddai ynadon yn llai tebygol o ymgeisio am rolau TAAAC.

“Byddai TAAACs mawr iawn yn heriol i'w rheoli o safbwynt y cadeirydd ac yn atal ynadon rhag cyflwyno eu hunain i ymgymryd â'r llwyth gwaith cynyddol, boed fel aelodau pwyllgor neu fel cadeirydd. Yn yr un modd ag y mae Cadeirydd y Fainc yn ffigwr pwysig i ynadon, mae'n bwysig bod cadeirydd y TAAAC yn unigolyn adnabyddus yn yr ardal.”

– Ynadon Heddwch Swydd Gaerloyw

179. Roedd rhai ymatebwyr yn benodol yn gwrthwynebu lleihau nifer y TAAACs i 14, gan ddweud bod hyn yn rhy ychydig neu y byddai'n cwmpasu ardal ddaearyddol rhy fawr. Roedd eraill yn pryderu y byddai'r TAAACs mwy arfaethedig yn rhy anghysbell ac yn “ddi-wyneb” i ymgysylltu'n ystyrllon ag ardaloedd lleol. Teimlai eraill fod hyn eisoes yn broblem bresennol a fyddai'n cael ei gwaethygu ymhellach.
180. Cyfeiriodd nifer o ymatebion at y ffaith na ellir mabwysiadu dull “un maint i bawb” ar gyfer ad-drefnu TAAACs, ac er y gallai'r system arfaethedig weithio yn Llundain (lle mae eisoes ar waith), ni fyddai'n gweithio ym mhobman, yn enwedig lle mae ynadon yn fwy gwasgaredig ac yn methu dibynnu ar system drafnidiaeth gyhoeddus helaeth.

Diwygio'r Ardaloedd Cyfiawnder Lleol

Ymateb i'r Ymgynghoriad ar strwythurau gweinyddol yr ynadaeth yn y dyfodol

181. Mynegodd Cymdeithas yr Ynadon bryderon ynghylch maint y TAAACs arfaethedig a cholli lleoldeb, gan awgrymu y dylai TAAACs gael adolygiad annibynnol ar wahân i'r ymgynghoriad hwn. Roedd Gweithrediaeth Arweinyddiaeth yr Ynadaeth o blaid lleihau nifer y TAAACs, ond ar sail cael tua 2,000 o ynadon fesul TAAAC yn hytrach na dwy TAAAC fesul rhanbarth a Chymru.
182. Ymhlith y rhai a oedd o blaid y cynnig, nododd rhai y byddai cysondeb ac effeithlonrwydd cynyddol ar draws ardaloedd yn fanteision, ac roedd nifer fechan o'r farn y byddai recriwtio i rolau TAAAC yn haws oherwydd y byddai cronfa fwy o ymgeiswyr ar gael.
183. Er gwaethaf y gwrthwynebiad sylweddol i leihau nifer y TAAACs i 14, gallai llawer o ymatebwyr weld manteision lleihau nifer y TAAACs i ryw raddau.

“Mae hyn yn ymddangos yn synhwyrol. Yn sicr, mae angen rhywfaint o resymoli – mae gormod o TAAACs ac mae gormod o broblemau wrth eu llenwi.”
– Ynad Heddwch (LJA heb ei nodi)

“Mae 45 yn ymddangos yn rhy niferus, ond mae lleihau i 14 yn peryglu colli gwybodaeth leol neu daflu'r rhwyd yn rhy eang.”
– Ynad Heddwch (LJA heb ei nodi)

“Er ein bod yn cytuno bod nifer y TAAACs yn ymddangos yn rhy uchel, mae eu lleihau gymaint mewn un cam yn ymddangos yn newid enfawr i'r ffordd y mae TAAACs gweithredu ar bob lefel.” – Ynadon Heddwch Essex

184. Nid oedd llawer o'r ymatebwyr a anghytunodd â'r cynnig yn darparu syniadau amgen o dan C27. Awgrymodd nifer fod TAAACs mwy gydag is-bwyllgorau yn debygol o fod yn strwythur tebyg i'r TAAACs llai presennol, ac felly nad oeddent yn gweld budd y newid arfaethedig.
185. Darparwyd amrywiaeth o awgrymiadau ynghylch sut y gallai is-bwyllgorau weithredu, er na ddaeth consensws cryf i'r amlwg. Nododd llawer fod is-bwyllgorau eisoes yn bodoli yn eu TAAAC ac yn gweithio'n dda. Roedd awgrymiadau'n cynnwys creu is-bwyllgorau yn ôl math o waith (e.e. mentora, gwerthusiadau, hyfforddiant), neu yn ôl mainc.

Ein Ymateb (C26, C27)

186. Er bod rhywfaint o gefnogaeth i leihau nifer y TAAACs, mae adborth ymatebwyr wedi bod yn glir na fyddai dull “un maint i bawb” a orfodir ar draws pob rhanbarth a Chymru yn cydnabod y daearyddiaethau gwahanol na'r cysylltiadau trafniadaeth amrywiol. Byddai lleihau i 14 TAAAC mewn un cam hefyd yn peri risg o greu pwyllgorau a fyddai'n rhy anhylaw ac â gormod o ynadon i'w cynrychioli. Rydym yn cydnabod y gwrthwynebiad i ddefnyddio un model ar gyfer pob rhanbarth yn hyn o

Diwygio'r Ardaloedd Cyfiawnder Lleol

Ymateb i'r Ymgynghoriad ar strwythurau gweinyddol yr ynadaeth yn y dyfodol

beth, ac yn deall y rhesymau dros hynny. Felly, ni fyddwn yn bwrw ymlaen â'r newid arfaethedig.

187. Fodd bynnag, fel y nodwyd, ceir rhywfaint o gefnogaeth i'r egwyddor o leihau nifer y TAAACs, yn debygol o'r rhanbarthau lle mae nifer gymharol uchel ar hyn o bryd. Byddai unrhyw leihad, fodd bynnag, angen bod ar raddfa ac ar gyflymder sy'n addas i'r rhanbarth dan sylw.
188. Ein casgliad yw na fyddwn yn gorfodi newid i nifer y TAAACs mewn unrhyw ranbarth. Yn hytrach, bydd cydweithwyr o'r Coleg Barnwrol a GLITEF yn ceisio agor trafodaethau ar sail ranbarthol gyda rhanddeiliaid ynghylch y posibilrwydd o leihau nifer y TAAACs i lefel y cytunir ei bod yn effeithlon ac yn gynaliadwy'n lleol.
189. Ni fyddwn yn cynnal adolygiad cynhwysfawr o weithrediad TAAACs fel yr awgrymodd rhai ymatebwyr, gan ein bod o'r farn eu bod, yn gyffredinol, yn cyflawni'r rôl y'u bwriadwyd ar ei chyfer, ac na fyddai hynny'n gymesur ar adeg pan fo potensial ar gyfer llawer o newid eisoes ar y gorwel yn y llysoedd ynadon.
190. Mae pob TAAAC yn cynnwys rhwng 6 a 24 o ynadon, cynrychiolydd o Gymdeithas yr Ynadon, a chynrychiolydd o GLITEF. Ar gyfer TAAACs Ynadon, rhaid cael nifer digonol o aelodau ieuenctid, ac mae aelodaeth o'r TAAAC Teulu yn gofyn am fod yn ynad cyfiawnder teulu. Mae'r Partneriaid Dysgu (LPs) yn aelodau staff y Coleg Barnwrol sy'n sicrhau bod darpariaeth hyfforddiant cenedlaethol craidd yn cael ei chyflwyno i ynadon ranbarthol yn eu cylchdaith. Pe bai'r LPs yn dod yn aelodau statudol o'u TAAAC perthnasol, gallent sicrhau bod darpariaeth hyfforddiant yn fwy cydgysylltiedig ar draws y cyrff hyn. Mae'r LPs bron yn ddieithriad yn cael eu gwahodd i bob cyfarfod TAAAC, felly mae mantais i geisio ffurfioli'r trefniant hwn mewn deddfwriaeth. Mae cynrychiolydd GLITEF eisoes yn aelod statudol o'r TAAAC, felly byddai'r newid hwn yn gosod y Coleg Barnwrol ar yr un sail â GLITEF.

C28: A ydych yn cytuno y dylai Partner Dysgu ranbarthol y Coleg Barnwrol fod yn aelod statudol o'r TAAACs?

C29: A oes gennych unrhyw sylwadau eraill ynghylch aelodaeth y TAAACs? Os felly, rhowch fanylion.

191. O ran yr ymatebion amlddewis i C28, ymatebodd 599 "Ydw", 110 "Nac ydw" a 499 "Ddim yn gwybod". Fel canran o'r 1,428 o ymatebion a dderbyniwyd, mae hyn yn cyfateb i 42% "Ydw", 8% "Nac ydw" a 35% "Ddim yn gwybod", gyda 220 o ymatebion naill ai heb eu hateb (15%) neu heb eu pennu (0.6%).
192. Darparwyd sylwadau testun rhydd gan 542 o ymatebwyr i C28, a 485 i C29.

Diwygio'r Ardaloedd Cyfiawnder Lleol

Ymateb i'r Ymgynghoriad ar strwythurau gweinyddol yr ynadaeth yn y dyfodol

193. Croesawodd rhai ymatebwyr y cynnig yn benodol, gan gydnabod rôl hanfodol y Coleg Barnwrol wrth ddarparu hyfforddiant, ac yn cydnabod pwysigrwydd y LPs wrth gysylltu safonau hyfforddiant cenedlaethol ag anghenion lleol. Teimlwyd y byddai aelodaeth statudol yn sicrhau cysondeb mewn hyfforddiant, integreiddio cryfach â datblygiad ynadon, a chynnal dysgu o ansawdd uchel.
194. Ychwanegodd rhai ymatebwyr y byddai gwneud y LP yn aelod statudol yn gwella cydweithrediad a chyfathrebu rhwng y TAAACs a'r Coleg. Canmolwyd y gwelliant yn ansawdd hyfforddiant ers i'r Coleg Barnwrol gymryd cyfrifoldeb llawn amdano, er bod rhai o'r farn bod angen rhoi sylw gwell o hyd i ofynion hyfforddiant lleol.
195. Ymhlith y nifer fach a wrthwynebodd y cynnig hwn, codwyd pryderon ynghylch annibyniaeth farnwrol a'r posibilrwydd y byddai'r LPs yn ymwneud â materion TAAAC y tu hwnt i'w cylchdaith gwaith. Awgrymwyd y gallai'r LPs fynychu cyfarfodydd TAAAC heb ddod yn aelodau statudol; neu ddod yn aelodau statudol heb hawl pleidleisio; neu adael yn ystod trafodaethau cyfrinachol.
196. Cytunodd Cymdeithas yr Ynadon a Gweithrediaeth Arweinyddiaeth yr Ynadaeth ill dau â'r cynnig i wneud y LP yn aelod statudol.
197. Roedd sylwadau eraill ynghylch aelodaeth TAAAC yn cynnwys barn am y lefel briodol o gynrychiolaeth o bob mainc neu awdurdodaeth; y lefel o brofiad sydd ei hangen i fod yn aelod o TAAAC; rôl cynrychiolydd Cymdeithas yr Ynadon; a hyd tymor aelodaeth aelodau.

Ein Ymateb (C28, C29)

198. Ceir cefnogaeth glir yn yr ymatebion i'r ymgynghoriad i wneud y LP yn aelod statudol o'r TAAAC; roedd y cynnig yn bennaf heb wrthwynebiad. Felly, byddwn yn bwrw ymlaen â'r cynnig hwn.
199. Er mwyn rhoi sicrwydd bod y ddeddfwriaeth yn cefnogi'r LP i weithredu o fewn ei gylch gwaith hyfforddiant, byddwn yn cynnwys darpariaethau ynghylch rôl y LP tebyg i'r rhai sydd eisoes ar waith ar gyfer cynrychiolydd GLITEF.
200. Nid ydym yn cynnig unrhyw newidiadau pellach i aelodaeth y TAAACs.

C30: A ydych yn credu y dylid ethol neu ddewis aelodau ynadon y TAAAC yn uniongyrchol? Rhowch resymau dros eich ateb.

201. Mae aelodau cyfiawnder a chyfiawnder teulu pob TAAAC yn cael eu penodi gan Banel Dethol, sydd yn ei dro yn cynnwys ynadon a etholir yn uniongyrchol gan eu LJAs cyfansoddol. Gall y broses ddwy gam hon ymddangos yn gymhleth, ac mae'n

gallu bod yn anodd i ardaloedd ddarparu adnoddau ar gyfer Paneli Dethol. Gofynnodd yr ymgynghoriad a yw ymatebwyr yn ffafrio proses ethol neu ddethol ar gyfer dewis aelodau ynadon y TAAAC.

202. O ran yr ymatebion amlddewis, ymatebodd 557 "Ethol", 236 "Wedi'u dewis" a 394 "Dim dewis". Fel canran o'r 1,428 o ymatebion a dderbyniwyd, mae hyn yn cyfateb i 39% "Ethol", 17% "Wedi'u dewis" a 28% "Dim dewis", gyda 241 o ymatebion naill ai heb eu hateb (15%) neu heb eu pennu (1%).
203. Darparwyd sylwadau testun rhydd gan 660 o ymatebwyr.
204. Tynnodd 144 o ymatebion sylw at bwysigrwydd sicrhau bod gan ynadon y sgiliau a'r profiad priodol i gyflawni'r rôl yn effeithiol; roedd y safbwynt hwn wedi'i rannu ymhlith y rhai a oedd yn ffafrio ethol a'r rhai a oedd yn ffafrio dethol. Awgrymodd llawer o'r rhai a oedd yn ffafrio ethol y byddai'n fuddiol pe bai'r rhai sy'n sefyll ar gyfer ethol yn cael eu hasesu yn gyntaf ar sail eu sgiliau ar gyfer y rôl.
205. O blaid ethol, nododd 82 o ymatebwyr bwysigrwydd democratiaeth, gan bwysleisio bod aelodau TAAAC yn derbyn mandad, a theimlai 73 o ymatebwyr fod ymddiriedaeth a hyder yn y broses ac yn aelodau TAAAC yn bwysig.
206. Tynnodd rhai sylwadau sylw at y ffaith bod y broses, i ryw raddau, yn ddadleuol gan nad oes yn aml ddigon o ymgeiswyr i lenwi'r holl swyddi neu i sefyll mewn cystadleuaeth.
207. Roedd Cymdeithas yr Ynadon o blaid ethol er mwyn sicrhau cyfreithlondeb ac ymddiriedaeth. Cynigiodd Gweithrediaeth Arweinyddiaeth yr Ynadaeth system wahanol lle byddai'r rhai a oedd yn dymuno bod yn aelodau TAAAC yn cael eu penodi'n awtomatig, gyda phroses ar waith ar gyfer achosion lle mae mwy o wirfoddolwyr na swyddi TAAAC ar gael.
208. Fodd bynnag, ymddangosai o lawer o'r ymatebion fod rhywfaint o gamddealltwriaeth ynghylch y broses ddwy gam bresennol, a mynegwyd pryderon bod dethol yn golygu penodi ynadon i rolau yn groes i'w hewyllys. Rhannwyd hefyd safbwyntiau bod y broses bresennol yn feichus ac yn rhwystr posibl i ymgeiswyr.

"Mae'r broses bresennol o ethol panel dethol sydd wedyn yn dewis aelodau TAAAC yn feichus ac yn ddiangen... Rydym yn credu bod y broses bresennol yn annog pobl i beidio ag ystyried y rôl hon."

– Arweinyddiaeth Mainc Humber / Ynadon Heddwch Humber

"Mae'r ddwy broses yn atal ceisiadau. Mae aelodaeth TAAAC angen pob cymorth posibl. Mae'r broses bresennol o ddethol drwy bwyllgor penodedig yn rhy fiwrocraidd ac yn ddiangen." – Ynad Heddwch Swydd Buckingham

209. Er na ofynnwyd yn benodol am awgrymiadau amgen ar gyfer penodi aelodau TAAAC, rhannodd rhai ymatebwyr eu syniadau. Roedd y rhain yn cynnwys: ceisiadau i gael eu hadolygu gan gadeiryddion TAAAC; ethol gan y brif fainc; ac opsiynau cymysg, megis cyfuniad o aelodau etholedig a dethol. Y farn gyffredinol oedd y dylai'r broses fod yn symlach.

Ein Ymateb (C30)

210. Rydym yn cytuno â'r ymatebwyr a nododd fod y broses bresennol yn rhy gymhleth, ac fod yr aneffeithlonrwydd hwn yn fwy amlwg fyth pan nad oes ond un neu ychydig iawn o ymgeiswyr ar gyfer swydd wag.
211. Rydym hefyd yn cytuno â'r rhai a nododd fod rôl TAAAC yn gofyn am sgiliau penodol y dylid eu hasesu drwy broses ddethol. Nid ydym yn cytuno â Gweithrediaeth Arweinyddiaeth yr Ynadaeth fod y broses drylwyr o benodi ynad yn golygu y byddai pob ynad penodedig yn addas yn awtomatig ar gyfer rôl TAAAC. Rydym o'r farn bod cymwyseddau ychwanegol, yn enwedig y rhai sy'n ymwneud â dysgu a datblygu, yn bwysig er mwyn bod yn llwyddiannus yn y rôl hon.
212. Nid ydym yn cytuno â Chymdeithas yr Ynadon mai cael mandad yw'r elfen allweddol ar gyfer aelod TAAAC, ac felly mai ethol yw'r unig ddull gorau o ddewis. Mae hyn yn wahanol i rôl arweinyddiaeth, lle gallai fod rhywfaint o resymeg dros ddefnyddio etholiadau. Gallai ethol chwarae rhan, ond ni all fod mor feichus ag y mae ar hyn o bryd, ac ni all ddod ar draul dewis ymgeisydd ar sail y cymwyseddau gofynnol.
213. Felly, rydym yn cynnig symleiddio'r broses penodi TAAAC. Mae nifer o ffyrdd gwahanol y gellid cyflawni hyn, ac felly rydym yn bwriadu gweithio gyda TAAACs ac eraill i ddylunio proses benodi sy'n parhau i fod yn deg ac yn arwain at ganlyniadau da, ond sydd yn llawer mwy effeithlon ac addas i'w diben.

C31: A ddylid cyfuno TAAACs Ynadon a Theulu pob ardal ymhellach i ffurfio un TAAAC fesul cylchdaith, a fyddai'n cwmpasu materion teulu a throsteddol ill dau?

214. Gall cael TAAACs ar wahân ar gyfer y systemau teulu a throsteddol arwain at ddyblygu, a gallai cyfuno'r pwyllgorau rannu cyfleoedd ac arfer da ar draws y ddwy awdurdodaeth, yn enwedig ar faterion nad ydynt yn ymwneud yn uniongyrchol â hyfforddiant.
215. Byddai cynlluniau hyfforddi ar wahân ar gyfer teulu a throstedd yn parhau i gael eu llunio er mwyn sicrhau bod materion penodol i bob awdurdodaeth yn cael eu hystyried.

Diwygio'r Ardaloedd Cyfiawnder Lleol

Ymateb i'r Ymgynghoriad ar strwythurau gweinyddol yr ynadaeth yn y dyfodol

216. Mae gwaith cymeradwyo, penodi a gwerthuso yn gweithredu'n union yr un fath yn y Pwyllgorau Ynadon (troseddol) a Theulu.
217. Ar y llaw arall, oherwydd anghenion hyfforddiant gwahanol, gallai fod yn fuddiol cadw'r ddau bwyllgor ar wahân, gan sicrhau bod amser a lle ar gael ar gyfer trafodaethau penodol i deulu.
218. O ran yr ymatebion amlddewis, ymatebodd 171 "Ydw", 507 "Nac ydw" a 502 "Ddim yn gwybod". Fel canran o'r 1,428 o ymatebion a dderbyniwyd, mae hyn yn cyfateb i 12% "Ydw", 36% "Nac ydw" a 35% "Ddim yn gwybod", gyda 248 o ymatebion naill ai heb eu hateb (16%) neu heb eu pennu (1%).
219. Darparwyd sylwadau testun rhydd gan 656 o ymatebwyr.
220. Roedd y gwrthwynebiadau i'r cynnig yn seiliedig yn bennaf ar y farn fod y ddwy awdurdodaeth yn rhy wahanol i'w cyfuno, gyda gwahanol anghenion ac yn gofyn am wybodaeth arbenigol (274 o ymatebion). Mynegwyd pryder penodol y byddai troseddau yn taflu cysgod ar faterion teulu mewn TAAAC cyfunol, ac na fyddai gan ddyfodiaid teulu uniongyrchol unrhyw brofiad o drosedd. Mynegodd Cymdeithas yr Ynadon y safbwynt hwn yn gryf hefyd.
221. Roedd y rhai o blaid y cynnig o'r farn, gan fod llawer o rolau TAAAC yn gorgyffwrdd, y byddai cyfuno'r ddau bwyllgor yn lleihau dyblygu, a gallai is-bwyllgorau ddelio ag unrhyw faterion penodol i awdurdodaeth.
222. Cytunodd rhai ymatebwyr y gallai mwy o gydweithrediad rhwng JTAAACs a FTAAACs leihau rhywfaint o ddyblygu a'u galluogi i ddatrys materion cyffredin, ond awgrymasant y gellid cyflawni hyn heb gyfuno'r ddau. Mae rhai rhanbarthau eisoes yn cynnig enghreifftiau da o hyn y gellid dysgu oddi wrthynt.
223. Roedd rhai ymatebwyr yn agored i gyfuno JTAAACs a FTAAACs ar lefel yr LJA presennol, fel dewis arall yn lle creu TAAACs mwy ar lefel cylchdaith. Cefnogodd Gweithrediaeth Arweinyddiaeth yr Ynadaeth gyfuno'r ddau fath o TAAAC. Er yn cydnabod y dadleuon yn erbyn JTAAACs a FTAAACs cyfunol, cynigiodd y gallai hyn gael ei reoli (fel yn C26) drwy ddyrannu tua 2,000 o ynadon fesul TAAAC, gyda un neu ddwy TAAAC fesul cylchdaith, heb eu rhannu yn ôl awdurdodaeth.
224. Teimlai rhai ymatebwyr y byddai lleihau i un TAAAC fesul rhanbarth a Chymru yn rhy ddramatig ar hyn o bryd, ond yn bosiblwydd ar gyfer y dyfodol.

Ein Ymateb (C31)

225. Rydym yn ymwybodol o'r lefel uchel o newid posibl sydd ar y gorwel ar gyfer ynadon ar hyn o bryd, yn dilyn yr Adolygiad Annibynnol o'r Llysoedd Troseddol ac wrth weithredu Deddf Dedfrydu 2026.

226. Byddai cyfuno FTAAACs a JTAAACs hefyd yn gofyn am ddeddfwriaeth ychwanegol.

227. Fodd bynnag, mae'n fater y gallwn ei ailymweld ag ef ar yr adeg briodol yn y dyfodol.

C32: A oes gennych unrhyw fyfyrddodau pellach ynghylch y TAAACs? Os felly, rhowch fanylion.

228. Darparodd cyfanswm o 202 o ymatebwyr allan o 1,428 fyfyrddodau pellach ynghylch y TAAACs. Roedd rhai o'r rhain yn ailadrodd neu'n ymestyn sylwadau blaenorol ymatebwyr, tra roedd eraill yn fwy cyffredinol neu'n ymwneud â materion y tu allan i gwmpas yr ymgynghoriad, megis gweithdrefnau gwerthuso.

229. Roedd y sylwadau mwyaf cyffredin yn cyffwrdd â'r farn y dylid adolygu TAAACs ar wahân i'r ymgynghoriad hwn, effaith negyddol y newidiadau arfaethedig ar recriwtio i rolau TAAAC, a cholli cyfiawnder lleol.

230. Cyfeiriwyd yn aml hefyd at y ffaith bod ynadon yn wirfoddolwyr ac y dylid eu trin felly, gan gynnwys cydnabod yr amser a roddant a chynnal disgwyliadau realistig o ran yr hyn y gallant ei gynnig o amgylch ymrwymadau personol. Codwyd hefyd bryder ynghylch effaith yr holl newidiadau arfaethedig ar eu cymhelliant.

231. Roedd sylwadau eraill yn cwmpasu amrywiaeth o faterion megis lleoliadau hyfforddi, cyfarfodydd TAAAC, yr angen i roi mwy o gyhoeddusrwydd i waith a phroffil TAAACs, a mwy o gymorth gweinyddol ar eu cyfer.

Ein Ymateb (C32)

232. Nid ydym yn cytuno bod angen adolygiad ar wahân o'r TAAACs. Fel y nodwyd yn gynharach, byddai lefel y newid posibl sydd ar y gorwel yn gwneud unrhyw adolygiad o'r fath, heb gyfiawnhad llawn, yn anghymesur ac yn peri risg.

233. Rydym yn llwyr gydnabod natur wirfoddol rôl yr ynad a'r galwadau ar amser ynadon. Dyna pam rydym yn ceisio symud i ffwrdd o'r broses benodi TAAAC sy'n cymryd llawer o amser, fel y nodwyd yn gynharach, er mwyn gweithredu trefniant mwy effeithlon, ac yn bwriadu agor trafodaethau ar sail ranbarthol ynghylch lleihau nifer y TAAACs, ond yn llym yn ddarostyngedig i gytundeb lleol.

234. Yn olaf, rydym hefyd yn cytuno bod angen i'r Coleg weithio gyda'r TAAACs i godi proffil eu gwaith a'r cyfleoedd rhagorol a gynigir gan rôl aelod TAAAC.

Asesiad o Effaith, Cydraddoldeb a'r Gymraeg

Asesiad o Effaith

Crynodeb

235. Yn y ddogfen ymgynghori, esboniwyd ein hasesiad fel a ganlyn:

- Cyhoeddwyd Asesiad o Effaith yn ystod hynt Deddf Adolygu Barnwrol a Llysoedd 2022, a oedd yn cynnwys manylion ynghylch y manteision cost a ragwelwyd o ddiddymu Ardaloedd Cyfiawnder Lleol (LJAs).
- Ni chynhyrchwyd Asesiad o Effaith newydd i gyd-fynd â'r ymgynghoriad a gynhaliwyd rhwng Mawrth a Mehefin 2025 gan nad oedd unrhyw un o'r cynigion yn y ymgynghoriad hwn yn cyflwyno rheoliadau newydd ar y sector preifat nac yn peri cost o £5 miliwn neu fwy i'r pwrs cyhoeddus.
- Roedd datganiad cydraddoldeb yn cyd-fynd â'r ymgynghoriad. Ni nodwyd unrhyw effeithiau sylweddol ar gydraddoldeb.

C33: Beth yn eich barn chi yw effeithiau'r opsiynau diwygio arfaethedig ar unigolion â nodweddion gwarchoddedig? Rhowch resymau.

236. Nid oedd elfen amlddewis i C33. Darparwyd sylwadau testun rhydd gan 587 o ymatebwyr.

C34: A ydych yn cytuno ein bod wedi nodi'n gywir ystod a maint yr effeithiau ar gydraddoldeb o dan bob un o'r cynigion hyn? Rhowch resymau a chyflwynwch dystiolaeth o effeithiau pellach ar gydraddoldeb fel y bo'n briodol.

237. O ran yr ymatebion amlddewis, ymatebodd 175 "Ydw", 238 "Nac ydw" a 577 "Ddim yn gwybod". Fel canran o'r 1,290 o ymatebion ar-lein a dderbyniwyd, mae hyn yn cyfateb i 14% "Ydw", 19% "Nac ydw" a 45% "Ddim yn gwybod", gyda 23% (300 o ymatebion) heb eu hateb. Darparwyd sylwadau testun rhydd gan 278 o ymatebwyr.

C35: A oes mesurau lliniaru mewn perthynas ag effeithiau ar gydraddoldeb nad ydym wedi'u hystyried?

238. Nid oedd elfen amlddewis i C35. Darparwyd sylwadau testun rhydd gan 361 o ymatebwyr.

C36: A oes unrhyw beth arall yr hoffech ei ddweud wrthym ynghylch ein newidiadau arfaethedig i ardaloedd cyfiawnder lleol mewn perthynas â recriwtio, dyrannu, arweinyddiaeth a hyfforddiant?

239. Nid oedd elfen amlddewis i C36. Darparwyd sylwadau testun rhydd gan 697 o ymatebwyr.

240. Gwelwyd dirywiad cyffredinol yn y gyfradd ymateb tuag at ddiwedd yr ymgynghoriad, fel y nodwyd gan ymatebwyr a amlygodd gyfyngiadau amser wrth geisio ateb pob cwestiwn. Dangosir hyn gan y ffaith bod bron i 80% o ymatebwyr heb ddarparu sylwadau pellach ar gyfer C34. Yn ogystal, thema ailadroddus yn yr adran hon oedd bod llawer o ymatebwyr yn nodi y byddai'n anodd pennu effeithiau ar gydraddoldeb hyd nes y byddai'r newidiadau wedi'u gweithredu.

241. Fodd bynnag, ymhlith y sylwadau testun rhydd a dderbyniwyd, roedd y mwyafrif o ymatebwyr yn ansicr a oeddem wedi nodi'n gywir ystod a maint yr effeithiau ar gydraddoldeb o dan ein cynigion. Nododd rhai ymatebwyr y gallai'r terfyn arfaethedig o 90 munud ar gyfer amser teithio, yn ogystal â'r cynigion ynghylch dyrannu, effeithio'n negyddol ar y rhai â chyfrifoldebau gofalu, anabledau, ac o bosibl greu gwahaniaethu anuniongyrchol ar sail oedran drwy effeithio ar ynadon hyn â phroblemau symudedd.

242. Nododd rhai ymatebwyr y gallai newidiadau i'r cynigion dyrannu effeithio'n negyddol ar ynadon ag anabledau oherwydd amrywiadau mewn hygyrchedd stadau a chyfleusterau llysoedd, gyda rhai lleoliadau'n methu â darparu cefnogaeth ddigonol i ynadon anabl.

243. Er nad yw'n nodwedd warchoddedig, awgrymodd nifer fechan iawn o ymatebwyr y gallai pellteroedd teithio mwy effeithio ar y rhai nad oes ganddynt fynediad dibynadwy at gar neu sy'n dibynnu ar drafnidiaeth gyhoeddus, ac felly y gallai unigolion ar incwm isel ymatal rhag ymuno neu barhau yn yr ynadaeth. Nododd nifer fechan iawn o ymatebwyr hefyd y potensial ar gyfer effeithiau amgylcheddol pe bai cynnydd ym maint meinciau a theithio yn cael ei weithredu.

244. Awgrymodd nifer fechan o ymatebion na fyddai unrhyw effeithiau ar unigolion â nodweddion gwarchoddedig, neu nad oedd ganddynt fesurau lliniaru pellach i'w hychwanegu y tu hwnt i'r rhai a ystyriwyd eisoes.

Diwygio'r Ardaloedd Cyfiawnder Lleol

Ymateb i'r Ymgynghoriad ar strwythurau gweinyddol yr ynadaeth yn y dyfodol

Ein Ymateb (C33–C36)

245. Ar ôl ystyried yr ymatebion i'r ymgynghoriad, mae'r Weinyddiaeth Gyfiawnder, Gwasanaeth Llysoedd a Thribiwnlysoedd EF a'r Swyddfa Farnwrol wedi cyhoeddi Aseiad o Effaith wedi'i ddiweddarau ac Aseiad o Effaith ar y Gymraeg ochr yn ochr â'r ymateb ffurfiol hwn i'r ymgynghoriad, yn dilyn dadansoddiad o'r ymatebion.

Datganiad Cydraddoldeb

246. Cyhoeddwyd Datganiad Cydraddoldeb ochr yn ochr â'r ymgynghoriad. Yn dilyn ystyriaeth o adborth yr ymgynghoriad a newidiadau sylweddol i'r cynigion gwreiddiol, rydym bellach wedi cynhyrchu Asesiad o Effaith ar Gydraddoldeb diwygiedig sy'n adlewyrchu'r penderfyniadau polisi terfynol. Mae'r asesiad diwygiedig hwn yn cydfynd ag ymateb ffurfiol ar y cyd y Weinyddiaeth Gyfiawnder, Gwasanaeth Llysoedd a Thribiwnlysoedd EF a'r uwch farnwriaeth, ac mae ar gael ar GOV.UK.
247. Daw'r Asesiad o Effaith ar Gydraddoldeb diwygiedig i'r casgliad nad yw'r penderfyniadau polisi terfynol yn debygol o arwain at effeithiau sylweddol ar gydraddoldeb. Mae'r rhan fwyaf o'r risgiau posibl wedi'u lliniaru drwy dynnu cynigion â'r effaith fwyaf yn ôl a pharhau â threfniadau eistedd sefydledig sy'n cael eu deall yn lleol. Lle mae risgiau lefel isel yn parhau, gellir eu rheoli drwy brosesau addasiadau rhesymol presennol, trefniadau dyrannu hyblyg, ac ymgysylltiad parhaus ag ynadon ac arweinyddiaeth.

Y Gymraeg

248. Cwblhawyd Asesiad o Effaith ar y Gymraeg diwygiedig ar gyfer y cynigion terfynol ynghylch Ardaloedd Cyfiawnder Lleol yng Nghymru. Bydd holl ffiniau LJAs Cymru yn cadw eu lleoliad daearyddol presennol, yn trosglwyddo o ffiniau statudol i ffiniau gweinyddol ac yn cael eu cyfeirio atynt fel "meinciau". Ni fydd unrhyw uno yn mynd rhagddo—gan gynnwys yr uno arfaethedig yng Ngogledd Cymru—mae'r hawl statudol i ddefnyddio'r Gymraeg mewn achosion cyfreithiol yn parhau wedi'i diogelu'n llawn, a bydd mynediad at lysoedd, staff ac ynadon Cymraeg yn cael ei gynnal. Daw'r asesiad i'r casgliad nad yw'r dull diwygiedig yn debygol o greu effeithiau andwyol ar ddarpariaeth y Gymraeg. Bydd y Weinyddiaeth Gyfiawnder a Gwasanaeth Llysoedd a Thribiwnlysoedd EF yn sicrhau bod unrhyw ddiwygiadau yn y dyfodol yn parhau i gydymffurfio â dyletswyddau'r Gymraeg ac yn cynnal yr egwyddor na chaiff y Gymraeg ei thrin yn llai ffafriol na'r Saesneg. Gellir gweld yr Asesiad o Effaith ar y Gymraeg llawn yma:
<https://www.gov.uk/government/consultations/reform-of-local-justice-areas>

Casgliad a'r Camau Nesaf

Dangosodd yr ymgynghoriad ymgysylltiad cryf ac roedd yn glir, er bod ymatebwyr yn deall y rhesymau dros ddiddymu Ardaloedd Cyfiawnder Lleol, eu bod yn llethol o blaid cadw hunaniaeth leol gryfach, disgwyliau teithio rhesymol, a strwythurau sy'n cefnogi recriwtio, amrywiaeth a morâl. Roedd pryderon ynghylch ardaloedd mwy neu uno ardaloedd—gan gynnwys baich teithio, colli gwybodaeth leol, ac effeithiau ar gynhwysiant—yn gyson ar draws yr ymatebion.

Yng ngoleuni'r adborth hwn, bwriadwn **gadw'r 75 o ffiniau daearyddol presennol** a mapio'r strwythur Meinciau newydd yn uniongyrchol arnynt. Gall diwygiadau cyfyngedig a thargededig fynd rhagddynt lle mae angen penodol. Gall rhanbarthau archwilio rhesymoli TAAACs, ond ni fydd hyn yn cael ei orfodi.

Mae Asesiadau o Effaith llawn, gan gynnwys Asesiad o Effaith ar y Gymraeg, wedi'u cyhoeddi ochr yn ochr â'r ymateb hwn. Yn y man, byddwn yn cydweithio i weithredu'r newidiadau sy'n deillio o'r ymgynghoriad hwn.

Egwyddorion Ymgynghori

Mae'r egwyddorion y dylai adrannau'r Llywodraeth a chyirff cyhoeddus eraill eu mabwysiadu wrth ymgysylltu â rhanddeiliaid wrth ddatblygu polisi a deddfwriaeth wedi'u nodi yn Egwyddorion Ymgynghori Swyddfa'r Cabinet 2018, sydd ar gael yma:

https://assets.publishing.service.gov.uk/government/uploads/system/uploads/attachment_data/file/691383/Consultation_Principles__1_.pdf

Atodiad A: Rhestr o Ymatebwyr

O fewn y 1,428 o ymatebion, derbyniwyd ymatebion ar y cyd gan y grwpiau canlynol:

FTAAAC Avon, Gwlad yr Haf a Swydd Gaerloyw

Cangen Berkshire o Gymdeithas yr Ynadon

Mainc Birmingham a Solihull

Mainc Swydd Buckingham

Mainc Swydd Gaergrawnt

JTAAACs Caergrawnt ac Essex

Ardal Cyfiawnder Lleol Ceredigion a Sir Benfro

Mainc Canol Caint

Mainc Canol Llundain

Mainc Canol Gogledd Orllewin Cymru

Sefydliad Siartredig y Gweithredwyr Cyfreithiol (CILEX)

FTAAAC Cleveland, Darlington a Swydd Durham, Gogledd Northumbria a De Northumbria (CDN)

Tîm Arweinyddiaeth Coventry a Swydd Warwick

FTAAAC Cumbria a Swydd Gaerhirfryn

JTAAAC Swydd Derby a Swydd Nottingham

Panel Ieuenctid Swydd Derby, Mainc De Swydd Derby

Mainc Barnwr Rhanbarth (Llys Ynadon)

Pwyllgor Ymgynghorol Dorset, Dyfnaint a Chernyw

Mainc Dwyrain Caint

Ardal Cyfiawnder Lleol Swydd Gaerloyw

FTAAAC Llundain Fwyaf

Mainc Swydd Henffordd

Panel Ieuenctid Swydd Henffordd

Ardal Cyfiawnder Lleol Humber

Rhwydwaith Uwch Reolwyr Cyfreithiol Teulu Gwasanaeth Llysoedd a Thribiwnlysoedd EF

Tîm Arweinyddiaeth Mainc Swydd Gaerhirfryn
JTAAAC Llundain
Cymdeithas yr Ynadon
Gweithrediaeth Arweinyddiaeth yr Ynadaeth
Mainc Canolbarth Cymru
Mainc Teulu Canolbarth Cymru
Mainc Norfolk
Mainc Gogledd a Dwyrain Swydd Hertford
RTAAAC Gogledd Ddwyrain Lloegr
Grŵp Ffocws Rhanbarth Gogledd Ddwyrain Lloegr
Ardal Cyfiawnder Lleol Gogledd Essex
Mainc Gogledd Orllewin Cymru
Mainc Swydd Nottingham
Mainc Swydd Amwythig
Mainc De-ddwyrain Llundain
Mainc De Essex
Mainc Ynadon Swydd Stafford
Mainc Suffolk
JTAAAC Surrey a Sussex
Meinciau Dwyrain Sussex, Canol Sussex a Gorllewin Sussex
Grŵp Busnes Barnwrol Cymru
Fforwm Cadeiryddion Paneli Ieuencid Cymru
Mainc Gorllewin a Chanol Swydd Hertford
Mainc Gorllewin Morgannwg
JTAAAC a FTAAAC Cyfun Gorllewin Canolbarth Lloegr a Swydd Warwick
Mainc Swydd Gaerwrangon
Cyngor Dosbarth Wyre Forest

Atodiad B: Tablau

LJAs yn erbyn uno	Ardal Mainc Arfaethedig
Birmingham a Solihull; Black Country; Coventry a Swydd Warwick	Gorllewin Canolbarth Lloegr
Berkshire; Swydd Buckingham; Swydd Rydychen	Dyffryn Tafwys
Canol Caint; Dwyrain Caint; Gogledd Caint	Caint
Gogledd Essex; De Essex	Essex
Sussex (Canol); Sussex (Dwyrain); Gorllewin Sussex	Sussex
Swydd Henffordd; Swydd Amwythig; Swydd Gaerwrangon	Gorllewin Mercia
Gogledd Northumbria; De Northumbria	Northumbria
Caerdydd; Canolbarth Cymru (Ardal De Cymru); Abertawe	De Cymru
Gogledd Canolbarth Cymru; Gogledd-ddwyrain Cymru; Gogledd-orllewin Cymru	Gogledd Cymru
Gogledd a Gorllewin Cymbria; De Cymbria	Cymbria
Gogledd a Dwyrain Dyfnaint; De a Gorllewin Dyfnaint	Dyfnaint

LJAs o blaid rhyw fath o newid	Diwygiadau a awgrymwyd yn yr ymgynghoriad
Gogledd Hampshire	Gallai elwa o uno ag ardaloedd cyfagos agos
Sir Benfro a Cheredigion (a nodwyd yn anghywir fel dau LJA ar wahân yn yr ymgynghoriad)	Gallai elwa o gael ei rhannu
Sir Drefaldwyn	Sawl awgrym o wahanol ffyrdd y gallai'r ardal hon elwa o uno ag ardaloedd cyfagos
Avon a Gwlad yr Haf	Gallai elwa o gael ei rhannu'n ardaloedd llai
Gogledd Northumbria; De Northumbria	Gallai elwa o uno gyda'i gilydd
Gogledd Caint; Canol Caint; Dwyrain Caint	Byddai uno'r tair ardal yn rhy fawr, ond gellid eu huno'n ddwy ardal fainc os oes angen (awgrymiadau gwahanol o uno Gogledd a

Diwygio'r Ardaloedd Cyfiawnder Lleol
Ymateb i'r Ymgynghoriad ar strwythurau gweinyddol yr ynadaeth yn y dyfodol

LJAs o blaid rhyw fath o newid	Diwygiadau a awgrymwyd yn yr ymgynghoriad
	Chanol Caint, neu greu Dwyrain a Gorllewin Caint)
Swydd Henffordd; Swydd Amwythig; Swydd Gaerwrangon	Sawl awgrym ynghylch gwahanol ffyrdd y gellid uno'r ardaloedd hyn os oes angen, ond gwrthwynebiad i uno'r tair ardal gyda'i gilydd
De Cymbria	Gallai elwa o uno â Gogledd Cumbria neu Swydd Gaerhifryn
Swydd Durham; Cleveland	Gallai elwa o uno gyda'i gilydd
Swydd Gaer; Glannau Mersi	Gallai elwa o uno gyda'i gilydd
Gogledd Swydd Derby; De Swydd Derby	Gallai elwa o drafodaethau pellach gan fod cefnogaeth a gwrthwynebiad i uno ill dau wedi'u mynegi

E03572403

978-1-5286-6358-8